

續修曲阜縣志

孔昭曾
謹署



卷八	藝文志
金石二	鐘鼎碑誌
各種金石類	
補遺	
闕疑	
正誤	

地
140117
42.
28
部

續修曲阜縣志卷八

藝文志

金石二 鐘鼎 碑誌 各種金石類

鐘鼎

周范銅器十事

清乾隆三十六年欽頒內府寶藏周范銅器十事陳設 至聖廟廷舊志圖考俱備可供觀覽惟其中顛倒錯亂世人罕知馮雲鵬金石索已略言之邑人姜克謹所著慎餘草堂餘草有云木鼎注是圖非誤刊蟠夔敦下第七圖乃木鼎也亞尊注是圖非誤刊册占下第九圖乃亞尊也犧尊不誤伯彝注是圖非誤刊夔鳳豆下第六圖乃伯彝也册占注是圖非誤刊伯彝上第三圖乃册占也蟠夔敦注是圖非誤刊木鼎上第一圖乃蟠夔敦也寶盥不誤夔鳳豆注是圖非誤刊亞尊上第五圖乃夔鳳豆也饗餐甌不誤四足鬲不誤據此則舊志圖考之誤可以更正不至一誤再誤矣

曲阜縣志

卷八

藝文志 金石 鐘鼎

一

濟南同志印刷所印

附周范銅器十事御製詩一章并序

釋奠而飭豆籩新型既備登堂而觀車服古澤奚存緊案臚犧象諸尊第歎識元和所鑄雖協吉金用享還疑贗鼎無稽矧辨名溯三代以前何知有漢而學禮景當年之志亦曰從周昨修太學落成曾列姬朝雅范惟此昌平故里靈寶憑焉每徵法物舊章心恆惄若宜陳禮器以煥宮牆擬俟鑿迴內府檢西京彝器將從郵置數充東國几筵意在尊師體尊王之有素守當永世勗永寶之無衍既沛十行兼成八韻

二千年閱古禮器惜徒言車服那輕補鼎彝頗尙存肆筵瞻闕若由驛致更番後漢徹時降尊周緬意敦穆如陳几案潔用薦蘋蘩國學依成例昌平本聖源微伸敬師志益勗作君原庶協崇文願興賢共坐論

附馮雲鵬銅器十事跋

周范銅器十事係乾隆三十六年欽頒內府寶藏分甲乙十次第陳設 至聖

廟廷並御製詩章考釋圖冊給衍聖公孔昭煥以爲世守迄今六十餘年敬藏內庫如故惟春秋二大祭請出陳設其冬夏家之私祭亦不敢陳以重國典謹守藏也。於嘉慶二十一年初至滋陽時逢丁祭日卽至曲阜獲瞻十器竊歎其神采驚人不敢逼視見潘氏縣志所刻雖云遵依圖冊而鏤文不類且以敦爲鼎以鼎爲敦以卣爲尊以彝爲卣以豆爲彝以尊爲豆顛倒錯亂人無知者心滋懼焉每欲修改而力有未逮今羈栖曲阜乃請於冶山上公慶鎔於丁祭後暫將十器存諸念典堂中兩日得以細意觀摩實係目所未睹其古厚氣更在太學所藏十器以上足以仰見至意亘古未有於是手拓其銘選工繪圖悉遵原式又敬錄釋文原文從山左金石誌之例冠於金石索之首俾得遠邇流傳不至貽誤簡末綴以所見以傳實際紀榮幸焉

碑誌

宋

曲阜縣志

卷八

藝文志 金石 鐘鼎 碑誌

一一

濟南同志印刷所印

聖祖手植檜詩

聖人嘉異種移對誦弦堂雙本無今古千年住雪霜右旋符地順左紐象乾剛

左右兩株

各左右紐

影覆詩書府根蟠禮義鄉盛同文不朽高與道相當洙泗滋榮茂龜蒙借鬱蒼

毓靈全木帝鍾秀極勾芒氣爽羣居席煙凝數仞墻陰連槐市綠子落杏壇香布露周千尺騰凌上百常傍期泮林小遠笑嶧。黃屹若擎天柱森如出日桑風中雕虎嘯雲際老龍驤直欲驚魑魅端疑待鳳凰麟。闕鞏甲幹。羽林槍大節忠臣槩堅心志士方。宮侵不得秦火縱何傷宣子休誇樹姬人謾愛棠松卑虛視爵花賤枉封王誰念眞儒迹何當議寵章嘉祐元年重午日次代孫若升立石

金

相國完顏膏昭告至聖文

維承安四年。己。二月癸巳朔初二日甲午鎮國上將軍泰定軍節度使兼亮州管內觀察使提舉常平倉事上柱國金源郡開國公食邑三千戶食實封三百戶

完顏喜敢昭告于 至聖文宣王喜執政有年分符守郡聖林甫近謁禮敢虧謹罄
微誠親爲肅捧尙饗相國完顏公自尙書右丞出鎮兗郡下車之始首謁 先聖繼
訪學校復涓吉辰率僚屬及諸儒生。薦誠敬拜林廟孔氏子孫偕得與祭爲時
也膏雨霑足風色味暢禮成之次闔邑士民觀者如堵公則諄諄誨以聖人之遺教
旣而徘徊鵲城索遺訪古薄暮而歸竊惟相公系出皇族明練治體崇尚儒術推尊
先聖行見魯俗佩服德化禮義之鄉不讓治古矣然則是教也豈止行於一州一邑
者哉會報政成再膺進拜將推之而及於天下也元措忝襲封爵預列屬吏目擊善
事不勝榮幸讀以祝文刻諸堅石傳之永久去。行。節判任天。察。移刺官奴
州學教授蒲獻錄判魏仲巖陽尉伯德慶壽州學正翟。學生王之清范懷仁侍祭
者元措同主簿李奕教授郝旡咎族長端委學正。學生。過庭 順元石承
安四年三月廿一日五十一代孫中大夫襲封衍聖公管句先聖祀事兼世襲四
縣令孔元措。記

曲阜縣志

卷八

藝文志 金石 碑誌

二

濟南同志印刷所印

元

褒崇祖廟記

戊戌歲正月哉生明襲封謂僕曰兵戈而來復還繩里拜瞻廟貌冀除林域皆祖先
德澤之所致請叙其本末欲鑲之石以諭來者僕忝布韋久。嘗。無補於聖教今
老矣豈敢以不能文而遂辭謹訊其事而敬述之曰。宣聖五十一代孫襲封衍聖
公曰元措以太常卿寓于汴歲癸巳當京。之變被領中書省耶律公奏稟檄遷于
博再遷於鄆其衣食所須舍館之安皆行臺嚴相資給之親族三百指坐享溫飽咸
其所賜也以至歲嘗之祭祀賓客之往來闔里之慶弔窮乏之贍濟莫不仰庇而取
足焉行臺。善而欲歸美於上迺聞之中書遂令孔氏闔門勿算賦雖看林廟
戶亦然吾相賢明可謂知所本矣旣而都運張公告公曰瑜申稟上司專以本踏曆
日所售白金修飾聖廟中書又慮不足并以益。曆金增焉其事已付斷事官山丞
相麻君當親詣焉公聞之忻然遽率子弟具驂乘不遠千里直抵燕京邂逅竹林堂

頭簡老長春宮大師蕭公皆丞相之師友喜而相許優佑之蕭詰朝先往道經河冰未堅祝曰此行非致私以。宣聖故遂策馬而前餘者以冰圻不繼簡雖不親行繼以待者往皆爲之先容而言於山相曰。宣聖治世之。如天地日月莫能形容今其孫以林廟故親來贊成其事不亦善乎丞相敬而從之乙酉歲仲冬二十有六日公自然而適固安之西。謁山相帳下由二師先言故信宿而就其事。宣聖之後悉。祖賦而顏孟之裔亦如之襲封之職祭祀之田並令仍。朝廷優恤德至渥也然權輿於行臺嚴公維持於中書耶律公成於丞相山公事歷三相而復還舊觀雖曰天不人不目自非。流光遠何以臻此噫昔吾夫子抱堯舜禹湯文武之道而無堯舜禹湯文武之位。堯舜禹湯文武之德而無堯舜禹湯文武之咎迺刪詩定書執禮正樂繫周易作春秋六藝折中爲致治之成法俾二帝三王之道日新而。窮以福後世者夫子之力也凡聖君賢臣循吏孝子修身齊家治國平天下之道舉在於此由之則昌忽之則亡順之則治逆之則亂道固不變也夫子道之宰也何莫由

曲阜縣志

卷八

藝文志 金石碑誌

四

濟南同志印刷所印

斯道也道日新而無窮孔氏子孫宜與之而無窮百王知道之可尊所以尊夫子也萬古知夫子之可尊亦以尊道也夫子之道如天地之覆載日月之照臨無得而言焉其見於諸子載於史籍志於傳記者特太山之一塵滄海之一滴適所以贅也故得而言焉姑述其事之本末者以此上元日東原李世弼記歲次己亥春八十有三日五十一代孫襲封衍聖公主奉祀事元措立石五十世孫權襲封衍聖公主奉祀事掃監造五十代孫擊書丹并篆額

闕里廟祭器記

聖天子踐祚之歲之月之日。孔子五十三世孫行御史臺掾世儀父請于臺曰惟曲阜祖廟祭器未備願乞身鳩僦功于句吳與曠禮而留寧曠官而去無憾中丞疎堂先生吳公衍暨同僚躋其誼監察御史完顏君貞贊逾力江東廉訪副使廉君希貢贈以漢。一臺幕獨吉君元振賈君惟政李君庭詠帥臺掾察院江東提舉李君浩帥屬學各以幣贈有差是月館蘇五月道秀邱杭浙西廉訪副使晉君唐卿僉事

朱君思誠薛君彥明張君孝思平江總管耶律侯慶堅嘉興總管劉侯煒杭州總管寇侯元德兩浙轉運司帥乃屬暨前田財賦提舉胡君士亨亦各以幣贈有差潤常蘇秀杭學幣贈如江東而前浙西按察僉事王君煥贈以幣特厚方世儀父去蘇而杭也屬郡幕張君德元文學掾李淦白淵以政金之工日子勉之期再歲而竣事六月遣其子思適來告曰江浙省。政李公世安允廉訪。高公睿容齋先生徐公琰之請悉以先代禮器平其賈見售省幕盧君克治蕭君玠李君濟又帥省掾幣贈如臺幕而今而後勤子者或寡矣秋八月世儀父航所售過蘇大尊二山尊四著尊四壺尊六犧尊面者八體者五象尊體者十面者二十有二爵百三十有五罍二洗三豆三十有五簋百五十有一簋百六十有二槃燎百有二十而蘇所范豆二百簋二簋二玷五十龍勺三十始成籩二百五十篚十疏布巾圓如籩之數方如遵之數悅四亦成蓋將以是歸闕里矣或曰俎乏若何會完顏君按蘇贈以文木五倭產也斲而糝之得俎百七十有四合昇杭蘇祭品凡千七百有三繇漢迄今千有餘歲而世

曲阜縣志

卷八

藝文志 金石 碑誌

五

濟南同志印刷所印

儀父。收還集於十有二旬之中。非偶然者集賢學士靜。先生閻公復聞而喜曰天將興禮樂乎何文物待 聖人而出如是世儀父既歸以記見屬余故甕甕道省臺之事集賢之意不獨爲茲器賀且爲天下國家斯文將興賀焉至元三十有一年八月既望江西李淦謹記翰林直學士朝列大夫知制誥同修國史劉賡書奉直大夫國子司業楊桓篆額五十三代孫中儀大夫襲封衍聖公治立石五十二代孫廟學直學之明摸勤

加封孔子聖旨及致祭先師顏孟祝文

皇帝福蔭裏皇妹大長公主懿旨魯王鈞旨 先聖立言光貽萬世明君重道高邁百王眷茲詩禮之庭在我湯沐之邑不待聞金石絲竹而起敬蓋將致着着菹醢以薦誠今遣承務郎應昌路同知王謙前去造酒擇日致祭其廟宇常務清潔勿致褻瀆凡孔氏林木地土諸人無得侵奪須議文字者至大元年九月日

祭孔廟碑陰致祭記

至大元年七月內朝廷差官欽齋聖旨加封祭祀事先於大德十一年五月二十一日令上皇帝正位宸極當月二十八日集賢院官特進大司徒太子太傅集賢院使香山集賢大學士資德大夫趙也先榮祿大夫平章政事太子少傅集賢大學士王顥奏唐宋以來累朝代孔夫子封贈的名兒與來今日皇帝初登寶位孔夫子的名號教衆學士商量與着呵宜的一般奉聖旨商量了名兒我行再奏者欽此六月初八日香山司徒幹赤大學士趙大學士王大學士安大學士奏如今衆學士商量定加封孔夫子作大成至聖文宣王大都上都孔林差人依舊例致祭牲加太牢齋制詞香祝文酒去呵怎生奉聖旨准欽此七月十九日中書省奏孔夫子加封名號翰林集賢院官人他每的言語是的一般降與聖旨差人祭祀去呵怎生奉聖旨准欽此至大元年三月二十三日懷萊東壁集賢院使御史大夫脫脫丞相集賢學士通議大夫師著奏加封孔夫子與了詞頭宣命如令與課銀叁錠表裏緞子壹拾叁疋并合用祭祀物件差本院學士騎坐鋪馬前往孔林祭祀去更大都上都合用祭物

曲阜縣志

卷八

藝文志 金石碑誌

六

濟南同志印刷所印

交與呵怎生奉聖旨教。家與者欽此差遣本院學士嘉議大夫王德淵於七月欽齋。詞祭物到於孔林卜於十一日丁卯與守土官奉訓大夫兖州知州馬禧孔氏家長撫行三獻禮王德淵親爲祝文宣賜銀幣珍藏廟庫皇帝敬遣集賢院學士嘉議大夫臣王德淵謹以銀幣牲牢庶羞之奠敢昭告于 大成至聖文宣王。惟。秉德生之垂教不朽聖之時者天何言哉由百世後莫能違自生民來未之有特加封號大展祭儀仍命臣僚往詞林廟堯國公。。。。獨冠四科之首不違三月之仁宜配聖庭式嚴禋祀鄒國公惟公生有淑質思濟斯民述堯舜之道遂乃著書拒楊墨之徒非爲好辨位尊侑坐祭重推誠五十二代曹州教授之明書五十年代孫孔氏家長撫立石

皇妹大長公主魯王祭孔廟碑

至大元年冬閏月癸丑承州報皇妹大長公主魯王遣使致祭林廟縣僚暨族長以禮迓於道左從至舍館使者傳命曰皇妹大長公主魯王恭聞聖上加封大成至聖

文宣王以林廟粵在魯國湯沐之邑出祝辭手銀盒實香其中敬用禮神以錢五百千爲禮料費翼日甲寅卜以季冬三日丁巳行事酒醴既清太牢羊豕莫不肥腍使者齋沐如禮及期夜方五鼓天宇澄肅星辰輝燦使者初獻奠幣獻爵金紫炫耀兗州監州遜都斛亞獻其終獻則知州馬奉訓禧也卒事使者升齋廳大會族衆及魯之多士以餽神惠仍執舉以言曰大長公主以天人之姿誦習經史命工繪聖人像金書懿諱於其左居常瞻禮至於銀盒則刻歲月以銘祝辭則朱玉印以誌其崇奉吾夫子勤懇類此初大德七年冬皇姑魯國大長公主以闕里大殿落成備香酒牲幣致祭謙實將其命也六年之間兩奉命恭拜殿庭榮幸多矣族衆舉酒以拜曰願紀其事于石仰祝聖上無疆之壽以讚大長公主魯王之福使者亦將賴其餘慶顧不偉歟東平許國忝居教職幸覩盛事敢拜手稽首謹記五十代孫權主祀事撫立石祖廟監修提控五十二代孫之進監修

祀至聖碑

曲阜縣志

卷八

藝文志 金石 碑誌

七

濟南同志印刷所印

夫子之道垂教萬世爲百王定紀爲生民立極愈遠而彌重既久而益彰二帝三王不能侔其大宜乎報本之禮未嘗闕焉然衰崇侈典享祀縟儀自漢唐而下未有若皇元之盛也至大改元先帝制詔加號大成遣使闕里賫奉銀幣祀以太牢四年辛亥 聖人龍飛九五乾清坤夷制度禮樂一出儒術於是 孔氏之道益尊而明是年七月二十有六日中書宰輔集賢學士等於大安閣奏言陛下新正宸極唯闕里之祀爲重宜選儒臣以往列名以進上曰國子祭酒劉熙載可臣賡奉旨十月一日駟駒詣闕里仰致天子之命持翰林所撰祝文三事其文曰皇帝謹遣資政大夫國子祭酒劉賡致祭其恭且嚴如是及賜御香一封白金叁錠重壹百伍拾兩珍幣雜綵表裏各壹拾叁段牲用太牢會上賜祭服雅樂適達祖庭未逾月欽遇大禮遂登樂于堂四日辛未夜漏過半臣賡立寃以入就位於庭惕焉而肅在位者無敢不戒明燎設懸尊俎粢列登降有數祀事孔明神人以和與其事者少中大夫濟寧路總管臣隋有奉直大夫兗州知州臣趙弼從仕郎行御史臺監察臣劉泰進義副尉曲

阜縣達魯花赤乃晏祭畢合三氏宗人敬餽神惠莫不感戴皇澤皆曰振古未然于今爲始竊願文諸翠琰俾我子孫世世無忘 聖德至若祭酒公之恭順勤勞實勝使任小臣馬利用忝職教事百拜手謹書今載維至大四年歲次辛亥十月戊辰朔越四日辛未皇帝謹遣資政大夫國子祭酒劉賡敢昭告于 大成至聖文宣王天以神器畀付朕躬受命維新若稽舊典肇修禋類徧于羣神矧惟 聖人模範百世功隆德盛宜極欽崇爰命儒臣恭詣闕里備茲儀物牲用太牢昭薦潔誠尙祈鑒格以亮國公鄒國公配尙饗至大四年十月十六日五十三代孫從仕郎曲阜縣尹孔濟五十一代孫將仕郎前濟陽縣主簿孔氏族長元裕立石

大元祭曲阜孔子廟碑

朝散大夫尙書省右司員外郎曹元用撰并書題額延祐庚申之春聖天子初登大寶肇修禋類遣說書王存義詣魯以大牢詞 孔子手香加額以受之命中書齋白金百五十兩錦綺雜彩表裏五十二端翰林撰祝文三事禮部檄濟寧路如式供具

曲阜縣志

卷八

藝文志 金石 碑誌

八

濟南同志印刷所印

以太中大夫濟寧路總管白珍率其屬與偕有司羅儀衛清道肅迓諸儒禮服前導士民觀者溢郭塞衢五月甲申至曲阜越三日丁亥存義若濟寧路總管珍孔子五十四世孫襲封衍聖公思晦恪行祀事禮成三獻儀物交至神人以和翼日丕集孔顏孟子孫以享神餽葦艾衍如也前是方以亢旱爲憂迨俎豆甫陳甘雨沛作識者謂皇上誠敬所致欽惟聖天子嗣體守文於齊政之初爰稽祀典以。孔子爲天下先於是中外忻忻以爲繼今以往我國家聲教之敷文物之興可想見其愈盛矣稽歟偉哉古帝王之。祀孔子者自漢高祖始然當時禮意未必若今日之備也今朝廷之優禮孔族亦至矣復之世世無所與公其宗子以奉祀事官其族之賢者尹曲阜以治之推其尊者爲家者以頌家務勅名儒以教授其子孫擢其秀異者不次而爵祿之嗚乎孔族之蒙厚恩如此不可不思所以圖報哉存義之宜純謹文推於將敬爲尤稱珍字寶臣愷悌君子也間者數爲元用言孔廟之祀亦昭。今典也請文諸珉以乖不朽元用辭弗獲命遂爲記其實而系之以詩曰天皇思隆。孔道是

崇首嚴祀事發使來享恭敬之將金帛交錯有饒其芳儀備而恪耿其煌煌誠格神佑風動四方大哉夫子億代所尊屈于裴周伸于我元。聖相承益修文德穆穆當天明明在職聲教誕敷惟道是則於萬斯年會其有極延祐七年七月二十八日奉政大夫知兗州王士廉曲阜縣達魯花赤怯刊失八縣尹五十三世孫孔濟主簿李秉恕典史潘棣等立石

代祀闕里孔子廟碑

翰林侍講學士通奉大夫知制誥同修國史兼經筵官曹元用撰孔顏孟三氏子孫教授張恆書篆皇帝嗣。服命翰林臣元用捧白金百五十兩幣帛二十有六純祭闕里孔子廟祀畢嘉議大夫襲封衍聖公思晦奉直大夫濟寧路判官董昭請文諸貞。紀昭代盛事元用竊謂孔子之教非帝王之政不能及遠帝王之政非孔子之教不能善俗教不能及遠無損於道政不能善俗必危其國由漢以來有天下者消禍亂於未萌。邦家於悠久以孔子仁義綱常之訓浹於人心忠孝迭發默有

曲阜縣志

卷八

藝文志 金石 碑志

九

濟南同志印刷所印

以相之也是故歷代所以崇奉其教者甚至漢魏爲孔廟置百石卒史掌禮器出王家錢以祭既又給戶錫田公侯其。子以主祀事至唐開元則袞冕而王之今天下州縣皆立學漢高帝明帝章帝宋真宗皆親至其廟極誠敬以行薦裸禮真知所本哉若始皇非先聖燔詩書恣行暴虐適足以速其滅亡而已皇元以馬上定天下國初卽誕敷文教遣使亟香詣曲阜祠孔子給洒掃戶百令襲封衍聖公。其舊歲割山東諸郡。銀以葺廟宇詔天下取法孔子興學作人武宗皇帝登極肇遣詞臣。香如國初故事仍齋銀幣以將其意厥後列聖相承踵以爲則鐵惟皇上以聰明文武之資中興大業闡人文以化天下今者闕里之祀亦所以丕承先志也元用以天歷二年三月甲申將命至兗衍聖公率孔顏孟三氏若諸生郊迓董濟寧暨厥僚屬具儀衛前導至祀所越三日丁亥齋沐備三獻禮薦裸如儀祝史致告諸執事各揚其職牲脔酒冽神人。既乃大享與祭者於廟之東聽霈澤汪濊恩意普洽咸極歡而罷嗚呼自昔帝王致崇極於孔子者多矣然皆未若我朝之盛天子卽位之

初輒遣官致祭儀物交臻夙與佗祠異皇乎休哉此亘古所未有也所尚如是其能化行俗美指四海於隆平延弘祚於萬斯年也宜矣元用遂從衍聖公之請謹系以詩曰惟皇斯赫聖德中興易亂以正丕祚是承文命誕舉咸秩百神首及。父金幣輝輝粵自。駿竭。以祀庶羞惟精有苾其馨樂舞充庭允和且甯神兮洋洋儼在其上且曰來享輿情交暢孔道在人惟萬世則克。克。寶康家國是背是棄禍乃逮躬吉凶之捷影響惟從聖哉克崇其教風動多方胥勤胥效文治熠興堯由茲始請勒臣詩承昭德美天曆二年四月嘉議大夫襲封衍聖公公孔思晦立石

御賜尚醞釋奠記

至元五年後已卯正月皇帝田于柳林以上丁在邇允御史臺奏因宣聖五十四代孫監察御史臣思立出上尊酒釋奠于闕里遣御史從事臣高元肅脚致之禮竟曲阜縣尹權祀事臣孔克欽言于宗黨曰茲誠希有之盛典不識諸石罔以昭後于是其宗人前湖廣行中書省都事臣思迪等屬臣宜記之宜延祐初科進士且嘗助教

曲阜縣志

卷八

藝文志 金石 碑誌

十一

濟南同志印刷所印

國子掄揚聖德職也遂不敢辭而諾之曰吾夫子在魯哀公雖誅之而未極其尊漢高帝雖祀之而未盡其禮後代褒崇封爵之未悉其道詎若皇元累頒明詔既於至聖文宣王上加封以大成復於二丁永享以太牢重以香幣白金之錫奚意再三寅奉尊隆禮意淵博邁越古昔遠矣今憲臺擴弘禘典霽光祿之天釀以備祖庭禋酌豈惟孔氏子孫有光實天下儒服之士舉有光也迺拜手稽首而樂爲書之朝散大夫濟南路棣州尹兼管本州諸軍奧魯勸農事臣梁宜謹記嘉議大夫益都路總管東野潛書奉訓大夫社稷署令蔡思中篆宣聖五十五代孫從仕郎濟甯路曲阜縣尹兼管本縣諸軍奧魯勸農事權奉祀事孔克欽立石

劉承祖謁林廟記

嘉議大夫濟甯路總管兼本路諸軍奧魯總管管內勸農事知河防事古并劉承祖順卿洎從仕郎本路經歷堯峰王珪世瑛因公至曲阜拜謁林廟奠獻于大成至聖文宣王禮成而退從行府史歷山李太初希古東平王郁仲文古碭劉應臣夢得

時至正二年三月十九日也林廟學正劉琳謹誌孔顏孟三氏子孫儒學教授孔汾
堯州吏目楊宗禮承。郎同知堯州事愛牙赤

訥楊公三謁林廟記

奉直大夫山東東西道肅政廉訪副使文書訥楊公河西人氏按部過闕里三率皆
先拜林廟然後視事公始焉而謹恪再焉而恭敬三焉而寅畏每行拜謁雖祁寒酷
暑瞻戀徘徊移時不忍去其秉心誠篤禮節可觀公之先正夏國仁宗皇帝朝請中
臺罰布爲冑監崇文閣謂十儒有補名教可從祀孔庭章疏入奏得旨播告天下公
之先正有功斯道今憲副公叛復尼山作新洙泗兩書院刻意斯文誠可謂能繼其
志是者可書已從行書吏河南楊國華東昌何居禮奏美古汴丁永周時至正三年
夏六月十有四日也越翼日曲阜縣尹孔克欽謹誌將仕左郎濟甯路曲阜縣主簿
許企善立石

察罕帖木爾祭廟碑

曲阜縣志

卷八

藝文志 金石碑誌

十一

濟南同志印刷所印

維大元至正二十一年九月己酉朔越九日丁巳銀青榮祿大夫。平章故事知
河南山東。處行樞密院事兼陝西諸道行御史臺御史中丞察罕帖木爾謹遣本
都事尹師彥以太牢清酌之奠致祭于 大成至聖文宣王粵惟聖德巍巍難名儀
範百王。師表萬世者也。皇元雅尙斯文屢。道。禮祀於廟庭其崇重之道度
越千古頃緣妖寇。我王化垂及祀享之典遂成曠弛茲者躬承王命爰討不庭
大振天聲而東土克寧魯邦戾止遐瞻墻仞軍旅事殷未遑與祭敬遣。行敢。
堯國復聖公郝國宗聖公沂國述聖公鄒國亞聖公配尙饗堯國復聖公惟公德冠
四科未達一閭潛心好學禹稷同貫茲仗節越廓清陰曠軍旅事殷未遑與祭敬達
精意尙饗郝國宗聖公惟公三省其身一孝傳世獨得其宗道統相繼茲膺王命爰
整其旅鄒魯克平擴恢東土敬遣輔行式陳豆俎尙饗沂國述聖公學傳心法道原
性命中庸一書續述先聖茲承王命兵下山東屆爾魯邦仰止高風敬遣輔行庸展
情悰尙饗鄒國亞聖公惟公養氣知言推明善性攘闢異端以承三。茲奉王命簿

代羣孽載臨魯邦景慕先哲敬遣輔行式宣誠切尙饗五十六代孫中奉大夫襲封衍聖公希學同曲阜縣尹孔克。立明

張綰謁廟記

洪武六年閏十一月三日分巡曲阜祇謁闕里祖庭禮成而退嗚呼由聖人夢奠兩楹距今二千年矣歷代罔不尊崇所謂聖德百世必祝者其在茲乎奉議大夫僉山東等處提刑案察司事西安張綰子錫同行書吏東昌張志道繼遠揚州呂均輔公弼奏差保定王顯忠思孝五十六代孫資善大夫襲封衍聖公希學立

程思道謁林廟記

洪武九年歲次丙辰仲春山東提刑按察司僉事程君思道挈書王顯忠。奏差游文按部東昌抵闕里拜廟泊林展禮畢喟然歎曰天吾知其至高也地吾知其至厚也日月吾知其至明也若吾 聖人非天非地而與之同其高厚不日不月

曲阜縣志

卷八

藝文志 金石 碑誌

十一

濟南同志印刷所印

而與之同其光明道大德宏。萬。信所謂自生民以來未有能盛之者也。備分巡得造聖里真不啻瞰滄海而瞻泰岱。囑遇。其歲月遂撫其言就爲之書是歲孟夏既望古滕陸煥然謹記宣聖五十六代孫資善大夫襲封衍聖公孔。宣聖五十五代孫從仕郎濟甯府兗州曲阜世襲知縣孔。仲同立石

遣御史吉昌謁林廟記

洪武十年歲次丁巳秋八月十三日監察御史吉昌同男吉亨監察御史趙端書吏施宗隆張思忠奉旨按治山東旒車道經曲阜拜謁聖廟泊林慨然興懷僉言觀河洛者思禹見甘棠者。邠讀聖人書得不思聖人乎其道大德宏聖神功化之妙極天然固無得而擬議之也然得至聖人鄉登清廟仰聖像者有幾人哉平昔之思一朝遂之囑余紀其歲月愚因撫其言而爲之記洪武十年秋八月中旬吉日五十五世孫承事郎濟甯府兗州曲阜縣世襲知縣孔克仲典史官同仁立石

遣山東巡撫趙璜昭告碑

維正德八年歲次癸酉正月辛未朔越十二日壬午皇帝謹遣山東都察院巡撫右僉都御史趙璜敢昭告于 先師孔子大成至聖文宣王曰比歲盜起北方肆行東郡屢經闕里侵犯廟廷蓋嘗申命將官分兵守護聖靈昭布竟保安全逆亂既平儀文斯舉聿嚴祀事兼飭有司灑掃汗萊修葺損壞式還舊觀仰慰明神尙祈鑒歆永佑邦國謹告孔子六十二代孫襲封衍聖公臣孔聞韶立

重修闕里林廟記

按闕里志國朝詔修孔廟者屢矣皆司空經書內帑給費網紀於撫臣而董後者漣泉大夫也後竣或遣輔臣來釋奠告成事御製碑記昭示永久云今天子中興議禮制度尤重 先師祀典考定位號更易像設本隆啓毓禮嚴配食累代沿襲未安者一朝咸正罔缺猗與偉矣顧曲阜林廟距弘治久漸圯敝弗稱瞻仰屬國計未裕有司不敢以聞嘉靖壬子御史馮公薦命按東省詣祇謁卽慨然嘆曰省方設教天子命御史意也矧茲地實教本邪御史於諸廢置得一切便宜從事至隆師重道之舉

曲阜縣志

卷八

藝文志 金石碑誌

十三

濟南同志印刷所印

不知身任其責及時修飾而曰德意也遂檄濟南府同知林君悅兗州府通判張君承叙推官盧君翰暨曲阜世尹孔君承業相與督視出貲贖羨戒徒頽易朽自殿寢樓廡齋閣門宇垣屋碑亭及家廟祖林計三十有七所經始其年十月粵癸丑六月訖工礪斲必堅緒而馮公受代去矣明年御史雍公焯繼至樂踵前猷更議增飾凡昔之有待而未暇者畢力修舉罔不大備蓋自皇上釐正祀典以來廟貌崇嚴林域改觀足稱維新之典實自茲始而不煩朝命不妨庶職役不告勞費不告侈倡始圖終後先相望皆前此未有也曩歲士儻奉使過濟南時林君爲余道之因偕其事會余北上諾之未及爲也至是兗州守朱君應奎同知王君三接貽書京師復述後功申致前請夫御史代天子行郡國能仰承聖化敦崇教本郡邑庶僚又皆叶采勸功翕附恐後均之知務矣雖聖賢道德不視此加損而國家褒德右文之澤聖天子表彰率作之效不益徵千載一時哉則夫由必世之仁適變道之會衍盛治無疆之休端在茲矣昔史遷適魯觀器諸生習禮其家低回久之不能去獨以言六藝者所折

衷也。迺今道學大明，丕隆文治，刪述垂憲者不徒託諸空當，復何如哉！余不敏，謬從史氏後，媿無以揚厲聖朝之化而闡明諸君子之功也。聊爲次序其事，以識歲月云。賜同進士出身翰林院國史檢討徵仕郎濟南殷士儋，嘉靖三十四年夏五月吉旦，兗州府知府朱應奎謹刻石曲阜縣世職知縣孔承業立。

御史毛鵬致祭碑

維嘉靖三十五年歲在丙辰春三月庚辰朔越二十二日辛巳，巡按山東監察御史毛鵬布政司左參政張祉按察司簽事任希祖周世遠，謹以牲醴庶羞之奠，致告於至聖先師孔子之神曰：仰惟慕先聖之道，希見羹牆謁先聖之居，眷言此邦茲其托沫泗而結壇者，舊轍還而棲止，連闕里而聚處者，曾恂恂而頡頏。夫子之道無處不有，無時不然，於鄉黨而恍挹其謙光，簪纓奕業，學校傳芳，所謂賢於堯舜者，中固不可名而迄今愈顯揚。鵬等問俗東山，造里升堂，儀刑雖切，瞻邇茫茫，舉酒釋奠，神其來嘗，尙饗兗州府知府朱應奎謹刻石曲阜縣世職知縣孔承業立。

曲阜縣志

卷八

藝文志 金石 碑誌

十四

濟南同志印刷所印

闕里重修孔子廟碑

粵萬曆改元，天子嗣大歷服，遣使奉圭幣，祝詞告於闕里。越四年丙子，天子乃御皮弁，釋奠太學，以率天下邇聞，逖聽彬彬嚮風矣。又越二年戊寅，巡撫山東。史趙公賢以行部至曲阜，展謁廟庭，見其堂序齋室多所隳敝，因與監司守長計之，以爲朝廷崇禮先師尊無與元而聖蹟所興，廟貌弗飾，非所以奉揚休德而昭示垂遠也。於巡按御史錢公岱共圖營葺，而前巡按御史王公藻亦嘗肇謀於。是臺議定，乃下記。司樞材計程，庀徒揆日，羣吏稟式，小大率從，經始於本年九月十五日。凡四月而竣。窺乾象無以究其崇厚，圭測坤維不足明其近遠，何者氣冒於形則之所不運，道周於器則器之所難名也。况乎德冠生民，智包羣品，立三才之樞紐，垂萬世之儀形者哉！故子貢。身戴天不知天之高也，終身踐地不知地之厚也，至矣哉！擬議不得其形容，隨迎不盡其終始，上智之所難晰，能言之所罕譬矣。夫所謂聖而不可知者，其在是哉！雖然，天不可窺而。其象故仰觀。

者有則地不可度而河山隨其體故俯察者有儀聖不可知而六經傳其蘊故彰往
察來者有準也蓋求。聖人之蘊則於其燦然者矣無其所謂可得而聞者歟是故
二。用六經之實以陶填天下而夫子著六經之文以垂憲方來三千年。之
間上而英君誼辟以之總理人羣下而哲佐貞臣以之彌綸丕造近而經主法士談
誦於聲名文物之場遠。裔要荒遊衍於禮樂衣冠之俗其顯而可聞者如日月
山河輝朗炤耀者不宣臻而其隱而不可知者如一元之氣布護周浹而無有涯涘
故曰夫子之道大矣然諦觀三代以降其大。法固犁然列於六藝而華言小辯
猶雜然出於百家忘意儒者之學以。傳而寡要勞而少功至與道德名法陰陽列
而爲六故其耳目心志不能陶於醇壹之源而其政教風俗無以。精粹清之理此
三王靡企而五帝罔幾也然則六藝之效其有所未盡。而夫子之道其有所未盡
用歟我祖宗紹天立極握符御宇以規萬億於天下郡邑廣建學宮頒布經籍爲士
程訓。統一聖眞屏斥異說抱冊而游巖序則不敢讀非聖之書操觚而謁有司

曲阜縣志

卷八

藝文志 金石 碑誌

十五

濟南同志印刷所印

則不敢奏違方之語論學則土苴九流談治則糠粃霸略是以政教熙明風俗粹美
湛恩鴻龐浸澤上下吏緣儒。民樂絃誦方內一軌殊域回面爰逮我皇上儲精垂
神執經講藝以宰制六合埒萬類於鑠哉至治之徵蓋將與二帝三。之盛合符
而較列矣是何也以其純用六經。教而百家之說不存也夫德侔太上則謝施之
義雖微而潤洽義生則返始之禮有在夫子之道其昭融流衍莫有盛於今日則尊
崇之禮。其暴隆大備而超軼往牒矣况水木本源之也又惡可弗重乎且是邦也
左則滄溟浩瀚百谷之所朝宗後則泰岱字崇羣山之所環拱而闕宮闕巍從而雄
峙其中與帝者之居比隆而。麗固宇內之盛觀也今又從而鼎新之丹雘爛晃棟
宇煒煌車器畢陳金絲可聽士而揖讓其中不有低回靈跡慕懷道蘊思以接聖神
之令緒而宣昭代之洪輝者哉乃若中丞公保釐綏靖文教覃敷侍御公振飭激揚
風聲丕樹。與是舉同不朽矣至其贊襄於內則有若左右布政使王公宮用張
公士。楊公一魁參政余公立陶公大順按察使楊公正副使郭公天祿周公之屏

以規畫於始則有若分守參議。志立分巡僉事栗公在庭沂州兵備僉事劉公應元。兗州府知府周公標實任之以督課於終則有若分守參議南公軒分巡僉事詹公沂而兗州府知府朱公文科實成之其會計。則有若沂州知州李萼鄒縣知縣馮中州泗水縣主簿王。而專董工程者則兗州府同知尹言濟寧州知州掌曲阜縣事孔弘復及曲阜縣縣丞馬慎動勞動雖有大小揔之効力於。者云事成衍聖公孔公尙賢受之以春秋共祀而羣候朱公命。于生記之夫崇文章軌部使之績也言時稱代史氏之職也敢叙其始末以丕揚鴻烈著之有永而系之詩曰厥初生民混元載闢亦有神聖承天立極王風遐嚶帝典弘敷道隨代遠化。徂大哉素王降而應運用集厥成以彰丕訓丕訓伊何曰惟六經昭晰宇宙如彼日星功高列辟澤流終古配乾象坤實維化主蒸嘗九寓誦習窮埏師之宗之於千萬年於赫我明昭圖闡繹崇禮聖師有加在昔我皇續曆實克繩武鋪衍文明肆于下土百家屏出聖統昭明道之未墜于是大。時闕里實鍾光嶽厥有寢廟神靈所

曲阜縣志

卷八

藝文志 金石 碑誌

十六

濟南同志印刷所印

托有偉中丞觀風下邑翹勤。載懷興葺昭哉枉史詢謀攸同則有司存作于闕宮鳩材庀徒工成不日美奐美輪匪雕匪飾玉彤彤庭丹楹畫。璧似藏書堂疑聞樂不改厥制而煥厥文煌煌圭組于焉駿奔東控海門北倚泰岱與此而三爲域中大道於天地與國無疆維此諸公休有烈光况我魯人有不夷懌勒鴻名摛之無。萬曆八年庚辰春正月吉旦賜進士出身翰林院侍講經筵日講官同修國史兼記注起居官東阿于慎行謹撰

山東巡撫陸樹德致祭碑

維大明萬曆十一年歲次癸未四月壬子朔日欽差巡撫山東等處地方提督軍務督理營田兼管河道都察院右僉都御史陸樹德入境之初謹循舊典偕布政司左參議成遜按察司副使孔惟德致祭于 至聖先師孔子曰惟師東周之念夢寐不忘雖千萬世而下猶想見其皇皇樹德等叨吏茲土何以奉揚尊美屏惡聖謨洋洋舉直錯枉嘉言孔彰節用而愛救時尤良彼其爲操戈者則鳴鼓之方張時惟繹惠

厥有周行聖明陟降游衍出王祇修禋薦蒲伏恐惶尙饗

重修孔廟碑銘

蕭大亨 壽安

大中丞晉江黃公克纘撫茲東土百廢俱舉諸無暇論先是藩屏我東仰體國家重道之心俯念後世斯文之統總總焉日以表章聖教爲己任聞闕里之聖廟寔爲風雨所敝公作色曰是斯道之淵源天下萬世之所係也可秦越視之乎于是會議兩臺忻然捐金二千檄有司修葺各有司亦體公之心敬共乃事經始于辛丑七月落成于壬寅八月重城殿閣廟廡臯門一如朝制弘敞至碧甃華榱瑤階玉卮丹雘粲漆視曩昔而有加猗歟休哉煌煌乎真是以肅若聖廟闡揚文化豈特爲天下一大奇觀也春秋有事于斯廟上公宗子三姓雲來明禋益虔課益肅祝獻嘏駿奔騅騅乎禮樂之盛揆厥所由中丞之功偉矣哉乃謙讓未遑謂諸大夫執事之勞也不佞其何功之與有二三大夫相與樂成是役謀勒之石以圖不朽迺走幣徵記于余余惟先夫子之功若德弗容贅言也因再拜稽首言曰粵自鴻濛既闢聖哲代興要

曲阜縣志

卷八

藝文志 金石碑誌

十七

濟南同志印刷所印

皆尊居九五爲社稷蒼生之寄爰及先師孔子身承六藝統冠百王集羣聖之大成以垂憲于萬世一有聖作物覩君臨億兆敢不遵守表王之道以資治理者乎卽釐正祀典黜諸不經敢不祇修闕里之庭以肅禋薦者乎猗與卓哉斯道大明如日中天矣國朝繼大立極丕顯文明嚴事先師卓越前代重熙累洽逮及世宗議禮更化去人爵之榮觀昭無文之至敬表章特隆崇祀愈盛以至我皇恢弘帝業潤色王猷用建無疆之庥莫不尊尙先師孔子之道克臻上理猗與烈哉子惟中丞公庶政用靡彝文顯秩維新廟貌肇造鴻庥眞國家之帝臣名世之上績矣予生長是鄉沐浴聖澤躬進盛舉敢不揄揚是役也巡按楊公光訓嚴公一鵬後先議吳公。達可捐金共濟而左布政沈公李文綜核物力守道陳公蘭兵道李公士登兗州府知府石公九奏適觀厥成若鳩工勸閱則曲阜世職知縣孔貞叢躬親督課則縣丞張擔典史李騰龍也例得並書乃爲之銘曰於鑠先師莫之典京百王讓德千古一人厥厥維何如日中天厥靈惟何棖桷几筵彼其之子來造于東功施沫水光被

鳧蒙聖澤在人萬世無斬砥柱中流賴公彌遠明進士第光祿大夫柱國太子太保刑部尚書前總督宣大山西軍務兼理糧餉太子太保兵部尚書兼都察院右副都御史秦安蕭大亨疎首謹撰萬曆三十一年癸卯至聖六十四代襲封衍聖公孔尚賢六十五代欽依冠服胤椿同立新安後學羅文瑞敬書

修孔子廟疏

畢懋康

巡按山東監察御史畢懋康謹題爲孔廟亟宜重修典禮不容異舛懇乞能。刺部速議修葺釐正以光祀典以重斯文根本事號山東布政司呈家職。堯東兵巡道呈據兗州府呈稱萬曆四十四年七月二十六日蒙本道。據曲阜縣申據四氏學生員孔尚孝等呈前事。聖廟自肇建。來代有修葺不。邇來暴雨頻作以致殿閣門廡俱各坍塌去歲又遭異風。壞太甚幸今按院按臨東土瞻謁祖庭正廟貌更新一機乞爲轉呈計費鳩工庶祖廟聿新君恩不朽等具情呈到縣卷查萬曆四十二年正月十六日蒙前御史馬御史批查修廟事宜到府仰縣查議所費工

曲阜縣志

卷八

藝文志 金石 碑誌

十八

濟南同志印刷所印

料錢糧本縣隨領各色匠役親詣孔廟查得殿廡碑樓委傾頹不堪共估用銀十萬五千二百七十兩五錢八分造冊送府覆加查核併無濫估轉詳布政司轉呈前院迄今未蒙明示令。前因查得自前院估計之後又逾三年去歲陡遭大風其殿廡樓閣。塌愈甚恐前估銀數不。修葺若不及今。修。來不知何狀今幸蒙。院按臨闕里親。廟貌傾頹諸生欲乞恩修理誠斯文興起之一會也謹將原估銀數申詳到道隨批行本府議報該知府張銓看得聖廟乃發祥宅睿之奧區萬代斯文之具瞻也日久不葺漸就傾圮兼之。歲旱風時作摧折尤多允宜亟修以安聖。第估用工料銀十萬五千二百七十兩五錢八分合無仍照往例請。布政司香稅銀兩發修庶廟鼎新而俎豆生光到道該本道看得。先師爲萬世斯文教主而曲阜文廟又毓聖宅靈之區其巍峨肅爽之氣實足以供護國。而。安民生近來荒災異常未必。文廟失修所致修理一節決難遲緩但三歲前估修工價十萬五千金今歲又漸壞。更風災爲損所費當不止此仍用原估數目爲費亦多決無。

自災民之理合無申呈本院特爲題請將本省臨清關稅或泰安香稅照前估銀數准發修理又照先師爲海內宗主四方人士誦法聖訓想像杏壇闕里誰不意往神飛而重道崇儒乃是國家首務原非止係山東一省若將此修理之價均派省直一十五處庶衆擎易舉而人心亦必。從等因緣由照詳蒙批布政司會同按察司覆議通詳速速蒙此已。。察司會議去後隨該本司看得孔聖爲萬世宗師曲阜尤鐘祥闕里廟貌巍峨天下孰不仰而瞻焉乃今歲久朽風雨摧殘門殿廊。廡日就傾圮凡在宮牆之末誰無源本之思僉議繕修誠爲喫緊顧工用十萬五千經費不貲而。左連歲重災公私交困時詘舉羸誠難措手卽欲議及香稅乎而大沴之後香客稀少較之舊額十不得一諸凡正供日苦不給况今文武科場諸務皆取給於斯方仰屋而嘆巧炊安所得長物焉此非仰乞聖恩未易辦此也竊思神宮梵宇津渡與梁皇上且不吝損數十萬。廣施濟矧重道崇儒宸衷素注豈惜此錙銖而任文廟之彫零乎伏乞本院加意學宮特疏上請。發內帑或留關稅此不過損

曲阜縣志

卷八

藝文志 金石 碑志

十九

濟南同志印刷所印

大倉之稊米而數仞宮牆美輪羨奐振斯。之根本聳天下之觀瞻其有。聖德豈淺鮮也等因呈詳又據兗州府呈准本府呂推官牒查據曲阜縣申爲乞恩題重修祖廟以光先德以妥聖靈事內查家職按臨本縣巡歷面諭聖廟傾頽當估計修理該管曲阜縣事山東。轉運鹽使司同知孔貞叢卷查萬曆四十二年正月十六日據四氏學生員孔聞祉等具呈前院批府行縣查得舊規有大修有中修有小修如大修用銀數千萬中修用銀數萬兩小修用銀數千兩大修合一廟盡修小修不過補其隙漏苴其太甚者而已嘉隆間大修用銀數十萬仍派各州縣出辦夫匠專委府佐一員董其。歲餘工竣今修理乃前院親驗破損太多僅估工十萬五千有奇並無濫轉詳問又該提學吳副使詳批覆查此項錢糧。自何處再據回報本縣並無堪動舊規修廟出自香司香稅或轉懇題請設處等因連年荒歉香稅不敷其事遂寢至四十四年七月內四氏學生員孔尙孝等又呈前事復估計比先年坍塌愈甚用銀更多因年未豐稔錢糧無措未蒙舉行切思文廟天下皆有未如曲阜之壯

麗宏敞制比王者無非爲先聖篤生之地斯文根本所在廟貌自宜崇峻耳惟廟貌甲子天下故修葺自然多費若以費多而姑寢其修恐坍塌日甚一日將來不至丘墟不已者昔漢高祖過魯以太牢祀孔子謂漢家四百年命脉全在此豈以今日修葺無關於國家命脉乎况梵宇僧舍不惜數十萬金獨難于吾道宗師耶又况聖廟之修何如巨良等橋惟皇上未目睹傾頽之狀故不動念亦無人白皇上言之言之未有不動念而速修者我國家以夫子之。致太平則于萬生之地加意修理正所以表彰聖功而培植國脉于靈長則此修萬萬不容緩矣今幸蒙本院垂念斯文根本之地欲大舉修理又蒙本廳悉心查舉誠斯文興起之一會也等因到廳該本府推官呂維祺看得孔子廟在曲阜者壯麗宏。擬于王者是爲杏壇手植檜存焉連歲半。傾圮日復一日向止缺損也今觸自坍塌矣向止一二應補修也今遍地荒涼矣向猶估十萬五千有奇。今非數萬金不可結局矣河院曾捐千四百餘金止修正殿也賑院曾繪圖進覽未蒙核發也曩者本院按部釋。愴然動念而苦

曲阜縣志

卷八

藝文志 金石碑誌

二十一

濟南同志印刷所印

於費之無從出也嗟乎今天下。宇貝宮出大內之金丹碧而莊嚴之者不可勝數何獨至于孔子廟而疑似當題奏修理懇請內帑參萬以竣此局或量留關稅及應解之香稅共十萬亦無不可然其坍塌已甚若待題請修理恐旦夕必爲丘。似應先將本院所請事例酌動參千金。合郡縣省搜查無礙攤派二千金或再酌處聊以補葺其隙一面題請以昭國家崇文重道盛典禮曰有其舉之。敢廢也而况安先聖之靈壯文明之運非國之大事乎至於泗上孔林。今荒廢不堪亦所當並修者係于動支錢糧事理本廳未敢擅便爲此合牒本府查議請發內帑與請留香關。稅孰爲安便。今應。動事例參千金搜派合省二千金先補太甚煩祈。爲轉請定事施行等因備牒到府准此該本府。德看得闕里孔廟自昔代有。崇近。所壞連歲荒稔不克修葺以致日圮。日月。急議興出後必有不。爲者皇上崇文重道隆於前代若懇請帑。萬或。應解香稅及臨清。

後人後人復然將來。愈甚必有不可爲者况向來估計僅十萬五千有奇今則前數難以竣工矣後此日甚一日必非鉅萬不能結局不愈袖手而瞋目語難乎竊見我皇上之於胡良巨馬梵宇神宮無不莊嚴而金碧之今議修孔廟視。佛而施檀越利涉而成輿梁者其輕重緩急何。昔漢高祖過。孔子識者謂劉氏四百年基業其精神命脈蓋在於此然皇上又何惜此區區者儻慨渙。音亟發帑金數萬專。府佐一員計材鳩工并泗水孔林而一新之俾輪焉奐焉以安在天之靈則皇上之所以培千萬世精神命脈者在此舉矣邇聞墻宇門閣傾圯殆盡勢同剝廬有不容不急急議葺者容職等查照司議一面達部議留事例銀兩再量行闔省酌派設處先以漏苴罅漏支此類廈至若竣此浩大工程自非發帑不可則尤職等所蒿目而籌延頸而企者也乃議者猶有謂宜請留應解香稅者今雖以歲款缺額然後此不妨酌留也又有謂。臨清皇稅者雖曾具疏請罷。然而見在不妨議留也總之在山東之今日雖爲捉襟露肘之時在聖廟之當修實爲水源木

曲阜縣志

卷八

藝文志 金石 碑誌

二十一

濟南同志印刷所印

本之計此在聖心必爲惻然而廟堂必有定畫者言之似迂。實。圖之似緩而實急卽曩歲賑臣過庭訓繪荒政圖輒首以聖廟當修。豈無見而云然哉又查顏曾思孟稱爲四配獨子思無專祠鄒雖有祠乃係中庸書院因孟子受業而推尊之非特祠也此非千百年缺典乎似宜改建曲阜若做顏廟制度須得萬金第粗立殿室門廡以待後之增修千金足矣倘蒙發帑金卽分若干以建特祠於曲阜眞爲不朽盛事是子思子之專祠宜議也既已立祠須有主祀之人查舊例以衍聖公次子襲博士主鄒縣子思祭自弘治正德年始今衍聖公無次子故缺每祭則委官耳似當做顏曾孟例以近支子姪襲職主祀待有次子之日歸還原職庶有節春秋而尸明祀乎是子思子之主祀宜議也子思子之不稱孔子避。先師也今兩廡如忠如安國乃俱稱曰孔子不幾冒。先聖之稱乎想二子亦必有所不安矣若改忠爲先賢子蔑子改安國爲先儒子國子皆以字行似爲妥當是二子之稱宜議也孟廡從祀有季孫子叔疑因趙註二字皆孟子門人後誤與從祀。列今既遵紫陽解則

其爲引言而非門人明甚況所謂季孫子叔疑恐亦當時執政之儔且不知其爲人又不知其爲何時人而祀之門墻甚無謂也益成括亦非孟子門人况見譏於孟子此三子者似當以伯寮秦冉之例罷之是三子。祧祀宜議也嘉靖時輔臣張璠題正祀典其引。沉孔子封王辨曰後世之禮有甚似而實非者不可不察也慨然謂封爵爲非抗疎上聞直。盈庭之譏世廟嘉納其言至今孔門弟子及諸從祀者並罷封爵乃孟子廟主尙稱鄒國亞聖公樂正子稱利國侯公孫丑稱壽光伯其餘。此夫孔子已易王者之號而孟子猶號鄒公孟子之在配饗者已定亞聖之稱而弟子猶稱侯伯。諸賢宜。之中必有所不。且非所以一主制而安神靈職愚請倣孔廟近例改其稱號則舛謬可正而祀典益。是諸賢之封爵宜議也職草疏已具又處談府呈報曾子廟與仲子廟各就傾圮附請修葺此又皆應併議者職以一得之愚參諸衆議有慨于中久矣是以不避煩瀆謹會同山東巡撫李長庚爲我皇上陳之伏乞聖明超然遠覽勅下。部議上請除職等一面達部議留事例銀兩以及

曲阜縣志

卷八

藝文志 金石 碑誌

二十一

濟南同志印刷所印

多方分派設處委官嚴督尅日興修工葺外。祈速渙綸音慨發帑金將孔廟與子思祠以及曾廟仲廟一併查修勒限落成或將應解香稅待足額之日酌留若干應解臨清稅銀量留若干務期足用以成此舉則于。祖列宗及我皇上尊崇闕里表章。先聖之心不大愉快哉職竊料皇上之必不恡此也自今大修之後仍宜攤之海內省直約每十年大省出萬金小省出五六千金。解山東以備重修之用永著爲令以昭特典至于博士應否代襲稱謂應否改正舛祀應否釐罷爵應否議確并下其議裁自聖斷庶文運愈隆聖治愈新而三千年之禮樂愈光矣奉聖旨關里廟蓋圯甚矣畢公且行曰是不可當吾世而失此舉遂下其議而上之疏擬動事例五千借戶正事例各二萬而派之合省搜及無礙幾萬餘金皆見在數且曰先補其罅漏耳業有成議而以奴變緩緩之誠是也此舉可。已乎是時當事諸公皆加意此舉鳩工量材美哉輪焉奐焉且夕耳前此數議修葺旋就寢閣誰非讀孔子書誰無尋樂心有初鮮終亦足惋矣公獨慨然力爲之且子思之專祠博士之襲封封爵

之釐正及季孫子蔑諸議尤足千古最有。聖門儻繼此而得請豈不休哉聞當事諸公多有留意捐助者余視郡事兩月計所捐省凡粟八百石有奇敬以效涓埃亦以爲諸州邑嚆矢也快觀盛舉恐其久而寢。刊其疏以終之其不終則以俟後者其終亦惟當事諸公之休余豈敢有焉時萬曆己未春二月二日賜進士第文林郎山東兗州府推官洛西呂維祺介孺父書岱兩堂中

清

遣宗人府丞馬汝驥致祭碑

維康熙十五年歲次丙辰二月癸丑朔越有七日己未皇帝謹遣宗人府府丞加二級馬汝驥致祭于先師孔子曰朕惟治統緣道統而益隆作君與作師而竝重先師孔子德侔天地教範古今歷代帝王咸宗道法用臻治安朕奉天眷命紹續丕基懋建元儲以崇國本景行至聖肅舉明禋茲遣專官虔申殷薦伏惟鑒格尙冀居歆

曲阜縣志

卷八

藝文志 金石 碑誌

一二十三

濟南同志印刷所印

遣都察院御史宋文運致祭碑

維康熙二十一年歲次壬戌三月己酉朔越十六日甲子皇帝謹遣都察院右副都御史宋文運致祭於先師孔子曰朕惟治統緣道統而益隆作君與作師而並重先師孔子德侔天地教範古今歷代帝王咸宗道法用奏治安朕奉天眷命紹續丕基翦除兇殘又安海宇告功至聖肅舉明禋茲遣專官虔申啟薦伏惟鑒格尙冀居歆

聖廟釋奠記

皇帝三十有九年燭奉命視學齊魯其明年三月。部至兗郡兗之屬校二十有八曲阜隸焉曲阜至聖之所發祥也學使者至兗例得躬詣闕里展禮於廟堂故分二十八校之半試於曲阜燭之來也適會五月朔日上丁聖廟。祭衍聖公以灌獻相推前期致齋質明行事衍聖公率四氏世博士兗州守曲阜世尹及十四校之師生以試事而至者皆陪位序進濟濟於庭薦。興頌雖穆有儀牲澤柔潔籩豆秩如

樂舞和平古音鏗鞳禮成徹俎上下堂廡瞻仰遺像摩娑漢唐諸古碑既又與闔郡
官僚四姓宗族饗餼於詩禮堂拜觀皇帝御書碑。睿藻鴻文風雲馳而龍鳳翥心
目晃駭精神抃舞仰而歎曰天下文章莫大於是矣爛菰蘆下士幼誦夫子遺書每
思一登洙泗之堂拜謁其廟顏林慕觀先聖手植之樹端木築室之場問舞雩杏壇
之故跡從其父老子弟訪先代之軼事而察其習俗風教當必有殊焉而懷之數年
而不可得今猥以儒臣叨奉簡命持東國之文衡拜先聖於闕里延孔顏子姓鄒魯
文學之士與之論較其文藝斯亦幸矣而又與於大禮執爵奉幣登降跪拜於先聖
之庭而展其誠懃當年提命慨然如可接焉其爲滿志又當何如哉衍聖公曰凡使
者過此適當齋祭則推使者主祀事所以成朝廷崇禮 聖祖之至意以爲宗祊光
也然過者往往非其時學使者歲科校士得兩謁於廟庭矣然其志或先或後不當
四仲上下之期其適相值者國朝以來不數數見也今嘉會盛禮不可以不誌請筆
而勒之石爛惟聖天子尊聖嚴師典禮隆盛前古所未有以故天下蒸蒸文治大治

曲阜縣志

卷八

藝文志 金石 碑誌

一二十四

濟南同志印刷所印

雖荒陬僻壤人士有鄒魯之風生於斯世可不謂榮焉然讀聖人之書恨不得備文
學之官幸備其官矣不得至其地矣不得值其期而爛廁文政之員仕聖
人之鄉其來魯也又適遇禴祭之期親見其犧象敦彝之盛虞業羽籥之美偕郁郁
彬彬諸君子進反俯仰於其間十年所懷一朝而償之且出於始願所不及私心裴
徊極自慰幸異日者將詫於同朝書詒子孫以爲光寵焉故不辭而書之俾立石於
廟中康熙四十年歲次辛巳五月既望山東督學使者崑山徐爛

重建至聖先師孔子廟碑

聖人之道大矣元氣亨毒時行物生有以覆幬持載於萬古詩書禮樂之修明大經
大法之昭垂如五緯之麗天五嶽四瀆之流峙地上皆其自然殺列而燦著者也漢
唐以來英君誼辟表彰追崇代有互異至明嘉靖時議禮諸臣進退從祀貶損禮儀
蓋惑於匹夫不敢干天子禮樂之說是以逞其鄙私臆斷夫吾 夫子以萬世爲士
春秋筆削已操二百四十二季南面之權安在無土不王曲學陋儒何從涯量高深

所謂日月無得而踰天不可階而升諒哉端木氏爲知聖也我皇上膺圖御寓允執厥中道統治統合唐虞洙泗之傳而匯於一人性天問學有默契焉褒封五王釐正從祀睿裁精卓皆前代所未到今茲闕里雲構霞翥眷命一新黃屋左纛以天子尊天子之師用天子之制然後典禮崇重萬世無以復加且夫自春秋及今二千年辟癰興建亦屢屢矣不過命有司庀衆材是虔是斷受成工師已耳未有楹題煬瓦一稟聖謨尊彝。章悉由親定周詳精密如斯其至軒冕喬皇如斯其盛此皇上隆儒重道極誠至敬所以度越百王者也顧念迂疎忝竊科第叨列清華祖父以來書香勿墜皆沐浴先聖之化兩得以儒臣歷受國恩己酉奉命董事廟庭平日夢寐而不得見者一旦徘徊車服禮器獲覩宮墻美富人得藉手告厥成功實不勝慶幸是役也仰遵聖訓循墻趨事几再閱寒暑動帑十五萬七千有奇一木一石皆出經費百工抃舞萬國具瞻襲封衍聖公脯民孔公嘉其成也屬余載筆勒之貞珉余惟廟碑林立淵雲墨妙作者不乏予特舉其大者遠者瑰詞麗藻姑未暇云是爲記雍

曲阜縣志

卷八

藝文志 金石 碑誌

一二十五

濟南同志印刷所印

正八年歲次庚戌九種賜進士出身經筵日講官起居注纂修聖祖仁皇帝實錄總裁明史署翰林院掌院學士通政使司通政使仍兼詹事府詹事加一級松喬留保謹撰至聖六十八代孫襲封衍聖公孔傳鐸勒石

大清御祭碑

維嘉慶元年歲次丙辰三月朔日丁未皇帝遣青州都統觀明致祭於至聖先師之神曰道合時中聖惟天縱範圍今古爲帝王治法之師聲振始終示聖智訓行之準讀大學之孝慈仁敬積躬每切修來誦論語之德禮政刑出治恒殷嚮往茲以乾隆週甲嘉慶紀元懋舉崇儀特申昭告緬昔從心所欲實宏立道綏動之猷際茲申命用庥益懷祖述憲章之盛神其來格鑒此精禋誥封光祿大夫衍聖公臣孔憲增敬書誥授光祿大夫襲封衍聖公臣孔慶鎔敬立

葺修大成殿碑記

我大清應運統天撫寧函夏續紘內外悉主悉臣皇帝牢籠天地彈壓山川列聖相

承右文響道凡所尊崇 先師之典邁絕前朝由 孔子而來二千三百餘年未有過今日謹按闕里文廟國朝建修者再輒費帑金巨萬雍正八年工尤備費尤鉅蓋憲皇特命重臣董其役親授相度期極宏麗而止不限貲也顧經今已七十餘稔矣不能不以時小事修葺舊者新漏者補蝕者易非守土責乎庚申歲大成殿西北角椽桷壞辛酉春滋陽令孫君良炳因公蒞茲邑顧而嘆曰涓涓不塞將成江河熒熒弗滅炎炎奈何凡藥疾必自謹小始凡鋤慝必自慎微始慨然捐金二十鎰鳩材庀工匝月僑功攝衍聖公事誥封衍聖公孔子七十二代孫憲增屬前知曲阜縣事許作屏曰孫公以鄰邑宰奮義若是茲役雖渺其尊師之意體國之誠不可不誌作屏曰然乃勒其事於石銘曰聖生倉際天授神符龍蹲闡道麟紘吐圖憲文章武祖唐宗虞緇帷譚藝端門見書鉤摘河雒點竄典謨振鐸警衆懸甕砭愚誦誦弟子萃萃學徒芳風旣扇頽柱以扶度九韋十散六制二曳杖晨興奠楹夕寐山其歛隕鳳終不至五勝迭遷六籍幾墜德爲民彝道實公器榮還勝生貴不在位累葉胥崇國朝

曲阜縣志

卷八

藝文志 金石碑誌

二十六

濟南同志印刷所印

尤備象緯麗天江河行地懿茲闕里爰惟杏壇奕奕寢廟肅肅衣冠雲縈翠龍桷流丹僊僊霞舉欵絕雷殷戢香鱗集霽霽虬蟠華闕半漢豐堂冠山閭闔比壯鳩鵲齊觀公墻萬仞靈爽此安日月其餘風雨或蝕有費斯修隨時以葺飭材量功計備出直傑構維新前規實式斷不換形聖無改色張驚羣飛峙竦鵠立堂哉皇哉賢宰之力壽諸貞珉其永無極時嘉慶六年六月吉日立石

重修聖蹟殿碑文

賜進士出身曲阜縣知縣侯官許作屏譔文恩貢生六十八代孫孔傳基敬書聖蹟殿者乃紀 先師之遺蹟而爲後世之景行者也世家作于馬史其文多訛家語志諸班書其原久佚孔傳雜記旣病錯綜胡仔編年亦嫌牽合未若茲殿依經紀事則芟夷諸子百家之謬焉編圖繪象則具有車服禮器之觀焉微言大義之旨可聞反宇垺頂之表斯在秋陽永曜太山不隕登堂覲胡篋之光刻石鞏珍符之壽斯則茲殿之所以作也辛龜赤文放勛之蹟也黃龍綠錯重華之蹟也觀河受圖高密之蹟

也升而伐粲天乙之蹟也銜書演步倉姬之蹟也吐哺捉髮文公之蹟也蓋聞言必在詩書之間而觀行則在合宮之地自十紀二百餘萬歲而錄書尤首以帝魁洎九皇七十有二君而記聞者略得之堯况先師孔子道闡險隲學綜步驟龍蹲演命麟紱吐圖九野賴其光昭百王歸其孕育則雖緇帷輟講鈍擿猶存端門見識玉書未墜豈其赤虹既滅懸甕遂亡丹雀不來沾袍俱古也哉溯自星精降室之日訖夫夢奠歌門之辰俎豆戲于髫齡料量平于壯歲馬借借于南宮龍初識乎柱史因而觀挈壺觀欹器觀桓宮觀明堂耳目之所治者博亦且學師襄學項託學萇叔學鄰子交遊之所及者多辨楛於陳辨萍於楚儻庭辨鳥專車辨骨推赤雀於禹書識玉羊於季非讚九聖以黜八索述九服以除九邱五際參之風詩七觀得之墳典經曲探源於文武陽豫改用乎夏殷自是而得寶書者有十四人通六藝者亦七十子蓋將於河雒睹鉤摘之蹟焉于孝經睹行事之蹟焉于春秋睹素王之蹟焉于禮樂睹辛聖之蹟焉此紀學之詳也且夫矻矻者編章之勤栖栖者載質之義書雖王魯夢

曲阜縣志

卷八

藝文志 金石碑誌

二十七

濟南同志印刷所印

實在周鐸縱不爲磬還可塞載紀宗邦之軌逮觀綦組之容始宰中都卒爲司寇龔裘雖刺章甫終歌愼潰徙而兩觀殊姑蔑奔而三都墮不違勵以三月取則已及四方樽俎歸汶陽之田犧象折裔夷之氣向使喆人終相允矣此國幾興矣乃萊兵却而文馬來侏儒麾而羣婢進君方爲蛇淵之築聖已作龜山之歌初宿於屯再過於蒲三終罷匡圍之兵六萬虛公養之粟伐檀削迹息陬還轅暫爲拔樹之行遽反臨河之篤蓋君多視雁世盡珍鳴書社不封廩邱早沮騏驎去胎天之世枳棘塞梁甫之塗所旨皇皇擇木僕僕拾塵保庶僅策之車中懷珍空待之席上者也綜述行藏式詳出處於衛三至於齊七年逍遙者九州周遊者八國鳳嘆衰于方城鳥倦飛于洙土適及門有偏師之勝故當路爲束帛之迎自是而在外凡一十四朞來歸已六十九歲矣此又紀遊之備也尊貌以生之琳珉以寫之如入其室如見其牆行霜有跡與天無莫不坊表師之焉莫不低徊留之焉然而金積折廉幹久斷統石時旨泐木摩而然所目黜堊職諸守桃闔扇修於月令新宮作而奚斯頌世室壞而魯主譏

蓋故必取新敞則改造禮也然而榑榘櫨棟非大廈之資枌柞參檀無曲木之任將欲重樓起霧豐堂冠山則它財不得不精鳩工不得不夥矣欽賜鹽運使司銜劉克昌者業操夙沙產逾雍伯好德於富比義以財回面斯文獨肩茲役前汶上令杜宗曜以殿圯勸其捐修劉公卽毅然允貲三千二百金爰乃審量日力詳度費務齎授百鎰成落九旬密石加於斷礮倉甍兼以丹刻澔澔泃泃燁燁煌煌瞻梁木者其永千秋仰宮牆者不啼萬仞矣嘗慨夫周鼎既遷秦坑斯燬淹中簡墮壁土塵蕪蒼涼琴瑟誰傳孔鮒之書飄渺金絲重壞劉餘之宅千門據勢已失故宮百室來家祇餘守塚所賴太牢從祀首炳炎漢之靈寢廟式增雍正二年聖廟燬於火奉旨重修內特命正殿易用黃瓦一切式如大殿終荷熙朝之典從此芝栢松栢增輝文獻之泉藻稅雲楣長拱中和之壑誥授光祿大夫七十三代襲封衍聖公孔慶鎔立石勅授文林郎辛卯科舉人知曲阜縣事東莞袁廷鳳監修勅授修職郎四氏學學錄六十九代孔繼璋屯田管勾官王肇興督工大清嘉慶十有一年丙寅春二月吉日

曲阜縣志 卷八 藝文志 金石 碑誌 一二十八 濟南同志印刷所印

遣刑部侍郎廉善致祭碑

維嘉慶二十四年歲次己卯三月癸巳朔越十五日丁未皇帝遣刑部左侍郎廉善致祭於 至聖先師孔子之神曰維 先師化洽膠庠型垂洙泗執中曰聖不朽之業有三吐辭爲經無隱之教惟四紹五百年之統振鐸功宏勅一二日之幾傳薪慕切茲以朕六旬展慶九寓臚歡欣當薄海之修和彌動高山之景仰用申昭告載肅明禋江漢秋陽先後聖同符而合揆文章天道億萬世服教而畏神式薦茲芬庶邀歆鑒誥授朝議大夫陪祭官兗州府知府臣景慶誥授光祿大夫襲封衍聖公臣孔慶鎔敬立欽授二品頂戴候襲衍聖公臣孔繁灝敬書嘉慶二十五年歲次庚辰六月穀旦

重修至聖廟碑記

皇帝御極之八年既平捻逆山左肅清乃戢干戈修文事曾滌生節相李少荃揆帥統師過此寶楨爲東道主瞻謁闕里商所以新廟貌者疏請於朝欽奉諭旨由兩江

湖北山東各籌銀二萬兩擇要興修以昭誠敬自己巳八月開工越四年壬申春大成殿寢殿大成門杏壇亭東西廡金聲玉振二門東西腰門齋宿所次第工竣四月二十三日寶楨與觀堂上公率在工各員恭詣廟堂祭告如禮奏報落成是役也銀四萬五千兩較籌估原數節省木瓦各料一萬五千金因得以備續修聖蹟殿奎文閣同文門詩禮金絲堂及前後祠宇門亭之用不足則更籌款益之蓋得力於經修各員者居多而工人亦與有勞焉其齋宿所東偏駐蹕廳五間大成門兩掖榜棚十楹不列原估又經工人韓玉榮等於逐項包料工料內節省得京錢四千九百餘串悉數捐修並一新堂上几案樂器金碧煥然均足嘉焉維時布政使文彬署布政使李宗岱長賡按察使李元華鹽運使潘爵鄭蘭濟東泰武臨道蕭培元署兗沂曹濟道王成謙潘駿文候補道劉子潭陳錦丁彥臣兗州府知府沈錫慶伊勒通阿署兗州府知府李德增楊學沂曲阜縣知縣林本鳳署曲阜縣知縣侯甲瀛新泰縣知縣史銘鏞荷澤縣知縣凌壽柏候補知縣王恩洪縣丞喻增慶俞啓元候補州吏目黃

曲阜縣志

卷八

藝文志 金石 碑誌

二十九

濟南同志印刷所印

汝志候補典史汪鈞李慶元三品興事官孔慶鏜四品百戶劉佩萱平度州學正孔慶鏞教職孔慶元孔慶豫孔繁漢恩監生孔慶範或綜覈工需或坐司督率或稽查出納或奔走巡催先後四年共襄厥事陽穀縣知縣鄭紀略鄒縣知縣耿天九泗水縣知縣王啓字曲阜縣教諭張道南訓導用炎縉四氏學教授薛煥章學錄孔憲舉三品孔庭族長孔衍福司樂薛桂曲阜縣典史倪家祚偕來與祭並工人韓玉榮劉鳳芙徐樹年楊成均得並題姓名以勅於石同治十一年歲次壬申四月吉旦太子少保頭品頂戴兵部侍郎兼都察院右副都御史巡撫山東等處地方提督軍務兼理鹽政丁寶楨謹立

重修至聖廟碑記

皇帝御極之廿有三年撫東者爲李制軍鑑堂值海邊兵靖念及曲阜廟工欲籌款重修焉卽函商聖裔孔燕庭上公查前撫丁文誠公兩次興修爲款絀停修大中門以前至櫺星門因委兗沂曹濟道彭虞孫候補直隸州陳憲往估工約估一萬八千

兩有奇當卽准發一萬兩先由善後局撥發五千兩旋撥臨清關節款五千兩議用濟甯州舊存木料一千五百餘根餘者准售作工中經費卽於十月十五日諏吉開工制軍旋拜蜀督之命汝梅來撫是邦改派彭道督辦譯局遂派陳牧接手承修此工在前修時已云甚者傾圮茲又閱廿餘年木料朽損殆盡甃瓦八九增新北自宏道門起舊制崇高宏麗茲祇存大梁明柱可仍其舊其椽題節稅無不更新東西有兩偏門及兩牆自根基層累而上前則有金水橋兩岸石闌大半傾倒斷者易之以新並三橋闌于悉爲整飭更南爲聖時門闕大雄偉因失修年久風雨剝落尤甚自牆以上無復存者命工照式增修門以內東爲快觀門西爲仰高門木瓦山牆均已破碎亦照毓粹觀德門式修蓋一新再前東爲德侔天地坊西爲道冠古今坊故跡雖存木多腐朽瓦亦彫零均葺其舊而易以新中有 至聖廟太和元氣二石闕字跡漫滅命工磨洗而敷之以金又前則櫺星門六闕僅存其二四闕俱易爲新並東西周阿前面左右崇垣皆正其根脚一律葺補廟前列金聲玉振坊周圍臺基亦正

曲阜縣志

卷八

藝文志 金石碑誌

三十一

濟南同志印刷所印

其錯落並東垣外闕里坊均不在原估內酌用餘料工人亦願報效輸工期其與廟貌相稱又增懸鐸數十令聞者興木鐸之思迄七月望始告工竣前欸不足又籌撥銀四千兩並售餘木銀一千四百兩因承辦彭道陳牧鳩工庀材悉心籌畫候補縣丞徐錫麟收發慎密布置有方力裁完費涓滴歸公並添派候補開官劉霖在局司事曲阜學優廩生金德昌分督各工時勤巡視故費欸未逾原估而鞏固堅實可期久而不敝落成之日謹率各員祭告禮成維時三品舉事官孔憲留四品百戶官曹文澈滋陽縣知縣調署曲阜縣孫國楨四氏學學錄孔祥楨曲阜學教諭滕汝舟訓導徐之薰均有裨於工務例得備書於石云木工王立本袁肇堦王書田泥水工王嘉麟孔憲洵油畫工李修田鄭宗元石工孔傳斌大清光緒二十四年歲次戊戌九月穀旦欽命頭品頂戴兵部侍郎兼都察院右副都御史巡撫山東等處地方提督軍務兼理鹽政張汝梅謹立

意園處士墓碑

意園主人自識生壙碑其文曰處士顏紹發字存齋復聖六十八代孫世居泗之上龍灣村宅邊有地蒔花種竹鑿沼爲山是名意園因以爲號焉性疏懶年未四十輒放情自娛恬然以諸生終今年且七十矣甘貧賤以樂餘生生長太平竊自託爲聖朝野老願及未填溝壑卽刻石墓所以誌其略銘曰山林廊廟性之所宜我無爾羨爾莫我嗤春風沂水與古爲期樂在農圃貧賤不移未死而墓及生而碑遙遙百世知我其誰覩茲片石信無愧詞或憑而弔謂某在斯時乾隆三年十月之朔立江南拙老人蔣衡書

甘肅提督王公碑銘

甘肅提督王公以乾隆三十三年二月八日卒於官旣歸公子伐石請碑余與公同里閨生雖後猶及見公行事不得辭公諱澄字漪清別字麟坡其先自鉅野遷曲阜曾祖邦任祖汝瑾父偉烈贈如公官母申氏陳氏田氏公田出也雍正二年以進士侍衛內庭久之出爲浦口營都司遷松江游擊太湖參將京口副將歷蘇松正定開

曲阜縣志

卷八

藝文志 金石 碑誌

三十一

濟南同志印刷所印

化昭通總兵擢甘肅提督公之在侍衛也比歲不遷內大臣或所寶弓惡其有挾不與及位松蘇有貴公子奪營弁舟鞭弁流血公怒直其事以父艱罷松蘇鎮戲下將某多方抵牾服闋還本任某免冠謝公置之其諳於大義如是故遇事不避險隘川沙參將春秋例巡海多半道返公乘潮出口過羊山馬跡遭颶風下三碇纜俱絕漂至奧門舟由中行而水底多暗山壞舟公屹不爲動會閩饑公奉命給江浙米十五萬石而內道遠且滯公自上海抵漳泉廈門歷蛟門濤山石塘青嶼烽火諸險海風受溫疾太夫人勞之隱不告以開化備兵蛟沙所過多瘴癘能死人地有壩泗二月初氣如溽暑樹頭生蛭聞人聲延延下遭輒潰爛土人云此地六十年無人到公宜自重不聽往來烟瘴中旬日卒無恙公固久於兵又數爲邊帥漢唐以來用兵故地深山窮谷荒城舊壘攬其形勢而究其成敗古人戰勝攻取之策灼如也每對客酒酣議論風生鑿鑿有成見在開化聞沙匪黎忠直等不靖謂衆曰小醜何足慮然擒之則勞縱之則擾令軍中嚴守疆界勿輕出自領千人緣邊巡行招其黨宣慰之而

沙匪遁既提甘肅番夷土回交錯之區易生變公曰坐鈴閣投壺食酒不動聲色千里晏然於是時公已老矣乾隆三十一年陞見求退不許越二年以疾卒年七十一配孔氏翁氏一品夫人子五世先癸酉舉人前卒世光監生世芳庠生世培世壯監生出爲兄後女三壻皆庠生同邑桂馨鄒邑杜橋甯邑劉德復距卒九越月之十七日葬贈公之阡嗚呼士生而志在千里不能馳絕域立功名爲父母交遊光寵死膺下身腐而名不彰者是得爲有志之士耶公崛起田間高牙大纛爲天子典鎖鑰撫中外名登天府勒石賀蘭可不謂偉歟抑余竊有感焉漢以班超備邊當時匈奴未滅外患疊作西陲半壁依超如左右手而超以歲暮得生入玉門關今甘肅已屬腹地公七十老臣不得請顧迺歸骨天涯招魂絕塞亦可哀也銘曰

吳綱越航貔貅連江節越皇皇略定南疆滇中高穰指揮蠻陬貉黨棘酋莫不戢柔帝命曰咨爾總鎮師秦川東西番夷者綏臣老如班素領參參罔敢乞年君恩如天天胡不弔星隕中宵丹旄飄搖落日臨洮魯東南鄙元屬罽磻循公爰止維千萬祀

曲阜縣志

卷八

藝文志 金石 碑誌

三十二

濟南同志印刷所印

桂先生墓表

周永年

桂先生諱公瑞字輯五其先臨川人始祖忠從明太祖起兵以功封尼山衛百戶遂家焉曾祖爵祖存正父枝茂先生幼孤母孔孺人示金一鑑封識宛然曰若翁所遺將爲子納粟入監者先生號泣更奮志讀書得補諸生食餼與邑中諸名輩相切劘顧後舉不第乾隆三十二年以恩貢例選教諭先生曰顛毛種種尙可求乎布衣草屨與父老漁于泗上喜堦與家言或登山陟原數日忘歸事母至孝先生因周孺出依依兩孺人側曲得懽心居喪哀毀骨立與人交淡而能久周族親之貧者從無德色以乾隆四十年二月十三日卒年六十八配胡孺人佐先生事親治喪課子皆有儀法先十二年卒年五十有八子男二人馨縣學庠生馥優貢生正藍旗官學教習女二人壻孟衍崇范璿卒年同月之二日合葬防山之西余二年前嘗至曲阜見先生語無枝葉容止甚莊乃數日之疾遽歿悲夫

蘇道人生曠誌

余久遊於外嘉慶元年冬歸里旋往雲南蘇道人置酒送別引杯見屬曰吾年逾七十將就木矣相知無如君君又遠去誰銘吾墓者言與淚俱坐客進曰道人既作生壙盍先爲表余曰諾曲阜顏氏世葬城東侍郎林道人六十後既造甄壙夫人孔亡先入於穿道人家素饒有田二百餘畝諸兄繼歿太夫人春秋高仰食者百口道人士奉慈闈下撫羣從內計生產外接賓游一身實爲勞悴里人魏樹亭調之曰阿佻人生但快意耳切勿家人事幾時了邪道人同母兄懋企遺孤崇槩行已任率使酒悟物道人垂涕撻之崇槩既長讀書厲行見稱於時道人嘉其率教謂他日見兒地下執手相告符子辛不墮業矣符子崇槩小字也道人負用世才既矢志決然舍去不應舉偃息家卷春秋佳日招客談詠莊謔間出樂不爲疲詩或一字未安翦燭申但性強切聞人家不平事憤氣攘袂若赴強敵意小不合輒怒或從旁善爲解釋一笑而罷臥病七年賦絕命詩自謂必死乃得更生因以蘇爲號名懋全字異我姓顏氏吏部郎修來先生之孫禮部郎次雷公第九子余題其壙曰蘇道人之藏蘇卽甦

曲阜縣志

卷八

藝文志 金石 碑誌

三十三

濟南同志印刷所印

也

陳述菴先生生壙誌

桂馥

乾隆三十五年庚寅陳先生作生壙於城南舞雩壇側閱十三年癸卯先生年七十有九里人桂馥乃爲之誌先生名穎初名彭字述菴其先上海人祖公元客死濟寧父開泰不能歸先生饑走四方偶來曲阜家焉性拙寡營借故家書閉戶讀之經史百氏皆舉其略顧沉默不逐聲譽世鮮知者對客或終日不言興發論古今事聽者忘倦然皆有據求一妄語不可得滋陽牛運震修泰安府志引爲助而運震死遂罷歷城周永年被徵較四庫書就問醫家源流草醫書考報之素固善醫長官某病醫集於門先生後至疏木防己湯衆醫惡其異己乃投以人蔭益劇復延先生前視其狀解衣據案汗下如雨先生顧謂衆曰大汗不脫虛者如是耶一老醫頓悟於是先生之藥得進更疏亭歷大棗湯病者起謝曰吾昏不能早用子子活我請爲子執鞭出視衆醫惟老者在耳先生無意于進晚諸補生旋棄去著大學集說一卷傷寒卒

病論考八卷診法一隅三卷藏於家

歲貢生候選訓導魏君墓表

魏君諱可式字子端號樹亭孝子防西先生二子也修七尺豐頤疏髯聲清而遠聞魏乃曲阜世族君生當盛時賓客接席從父兄後談讌無虛日如天津朱珉金壇蔣衡錢塘金農晉安何琦滋陽牛運震同里孔氏衍栻衍譜衍誌顏氏懋僑懋倫懋价懋企皆一時名流君周旋其間挺身自拔不在人後性通率好譏調往往面責人過士友多畏其口然笑謔間發言語妙天下又善處人骨肉間聞者莫不折心事無大小取決于君若嚴有司焉昔人有言見蘇桓公患其責人不見又思之君非有儔耶善飲酒一樽入手不問生計家既中落年亦頽謝生平游好殆盡醉後白眼望青人落落然不勝孤漂之感君以名諸生應舉不第垂老貢入成均以乾隆庚寅卒年六十有四葬仙源故城側配某氏無子以族姪衍榮爲後今又死君有外孫五經博士顏君錫嘏請爲表墓君與余比屋宇同輩行而年長於余謬承品目願余年過六十

曲阜縣志

卷八

藝文志 金石碑誌

三十四

濟南同志印刷所印

瓠落無容徒有老淚濕君墓草耳悲夫

江寧布政使孔君傳烜墓誌銘

彭啓豐

君姓孔氏諱傳烜字振斗山東曲阜人至聖六十八代孫曾祖衍鈺世襲太常寺博士祖興滋河南衡州府知府父毓璋候選縣丞俱以君貴移贈通議大夫君兄弟三人君其仲也生時母宋太夫人遽卽世祖母太夫人撫之比長事祖母至孝痛不及見太夫人遇生辰輒悲不自勝有稱祝者俱謝遣之父通議續娶甘氏仲氏成氏君事之一如所生乾隆元年舉於鄉四年成進士授直隸懷安知縣遷大興縣再遷江甯管糧同知擢揚州知府調任淮安又調蘇州以承審段成功案誥誤去任事白復授淮安知府特調蘇州乾隆四十年秋除蘇松督糧巡道明年春督運北行會上東巡召見行在不數日卽擢江蘇按察司使甫二年遷授江寧布政司使積勞成疾以病乞休不踰月卒於里第君歷任江南在蘇州爲最久其治行不事赫赫名一以省事甯人爲務意所不可雖臨以勢要不爲動然自一二十年間屢治煩劇膺重任僚

屬吏民尤推君清節爲第一唯其始終一輒不因時勢爲推移此固足以挽薄俗而之醇矣方君舉於鄉予適主試山東故生平以師禮事予周旋篤謹然其在蘇或事涉予家未嘗少瞻徇予兒子紹謙嘗買岷山徐氏屋旣成賈矣徐氏族人願出財以贖訟於縣不決乃訟於府君向予言徐氏故世家當以情讓未可以理折也蓋以屋歸之予許諾卒以屋歸徐氏君折獄之平多此類也君嘗以素冊索予書予勸以孔門敬簡之旨跡其爲治果能不愧斯言是誠足以銘矣君生於康熙五十二年卒於乾隆四十四年年六十有七配李夫人有孝行後一年卒子三人長繼戊世襲四品官次繼申候選州同知次繼元女二人孫八人今將以乾隆四十六年三月葬君於曲阜至聖陵旁而以李夫人附先期繼申來乞銘銘曰

先聖之裔慈惠之師扇我仁風於江之涓誰能飲冰誰能茹藥瘠民肥身有同辛螿唯君靜鎮率屬以廉孚於上下體用攸兼勞勞簿書皤皤黃髮遽以病休永懷林樾闕里之側松楸之際長懷遺澤庶以德歆

曲阜縣志

卷八

藝文志 金石 碑誌

三十五

濟南同志印刷所印

孔信夫墓誌銘

姚 鼎

信夫諱繼洙孔子之六十九世孫而曲阜衍聖公諱傳鐸之季子也幼而才儻衍聖公爲聘華亭張尙書照女女殤而君遂習於張氏尙書以書名天下君得其筆法書蓋埒之又善於鑑別收集古今名家書鐫刻論辨世所傳玉虹樓帖也其於詩文爲之皆工善乾隆三十三年余主山東鄉試得君及君兄戶部之子廣森時廣森才十七歲而君年四十餘名著海內久矣其後廣森得第爲檢討以經學稱三十五歲而殞君之少也值上釋奠闕里嘗充講書官及爲舉人累會試不第納貲爲中書舍人未就職又值上東巡於中水行宮召使作書及進士稱善然竟不獲仕終於曲阜初衍聖公夫人。氏生冢子繼藻繼夫人徐氏生戶部及君冢子之後襲爵三世君與戶部皆及之其遇曲阜公事以祖父體自任也其氣皆剛直人或與之或否其後戶部不樂家居客遊杭州以沒檢討哀痛遽殞不數年而君又繼之嗟呼君與檢討之生世第一家也又以文學才藝名著天下余一旦遇之二三十年間見其死亡至盡

雖其文采風流不可磨滅而志意抑鬱乃更有甚於常人者其可悲爲何如也君於交遊有始終之誼鄉里值歲饑出千金賑之者三焉乾隆五十六年余在鍾山書院君夏來江寧視余再宿而別君遂以是年十二月戊辰卒年六十五無子以戶部少子廣廉嗣將死貽書乞余銘其墓銘曰

猗子聖人之世也廓其知也蔚其藝也名上聞於朝而下載於四裔也完則毀而剛則折也有疾而不可久也銘託余哀以待後君子之達其志也

陳述菴先生墓碑銘

顏崇棨

君諱穎初名彭字述菴其先上海人祖公元客濟甯父開泰不能歸君饑走四方偶來曲阜家焉性拙寡營借故書閉戶讀經史百事皆舉其略顧沉默不逐聲譽世鮮知者對客或終日不言興發論古今事聽者忘倦求一妄語不可得滋陽牛運震修泰安府誌引爲助旣而運震死遂罷歷城周永年與君談竟日嘆其其湛深永年被徵修四庫全書就問醫家源流草醫方考報之君固善醫竟沂道張公病支飲醫集

曲阜縣志

卷八

藝文志 金石碑誌

三十一

濟南同志印刷所印

於門君後至疏木防已湯衆醫惡其愚仍投以人參益劇復召君前視其狀解衣據案汗下如雨君顧謂衆曰虛者如是耶一老醫頓悟於是君之藥得進繼疏葶藶大麥湯病起謝曰吾昏不能早用子請爲子執鞭出視衆醫惟老生在爾君無意于進晚補諸生旋棄去注大學集一卷傷寒雜病論集說八卷診法一隅三卷藏於家

康文陳先生墓誌銘

孔廣鼎

憶幼在先大父世尹署卽聞先生名而未之見也後與其嗣奎臨士元同受知任邱李公文園先生因過往始瞻先生懿範退而嘆曰古稱有道君子當不是過嗣先父由上虞令讀禮回籍主本邑書講席奎臨來學彬彬雅飭有以見庭訓摯也戊寅春先生捐館舍邑人製輓帳公奠鼎亦與焉無不悲哀其感人又厚矣冬諸孤將於來歲三月十一日葬謂鼎知先生久且深來乞銘不敢以不文辭先生諱周誥字康文先世漢戶牖侯諱平之裔孫諱績者遂家於曲阜遞傳至廣治公諱懷貴先生曾祖也祖諱光玠諱天佐贈封文林郎數世詩禮傳家聲溢黨庠先生生而厚正至性醇

篤事親以孝聞每遇卒日輒自痛曰今而後知人生樂事無如在父母膝下時也與伯兄怡怡一堂老而彌篤伉儷之間相敬如賓居家勤儉嘗謂謀生之道務本原不逐末流持要領不事纖細家漸裕而自奉常薄有餘輒出以濟貧乏焉爲人樸誠嚴正與人交坦平樂易不苟笑訾無戲言動雖素性放慢詭譎者至其前而輒化教子孫敦厚爲先課文藝如塾師招貧不能讀者使子妍圃裕輝訓之一方文風爲盛當先生之甫就傅也精勤自勵年十七學已幾成出應試卽入泮鄉試亦選中額滿見軼人甚惜之遂絕意進取終身不再試披經史敦行誼講學問嚴訓誨是以教子孫皆有云生於雍正五年十二月十四日卒於嘉慶二十三年正月三十日年九十有二配孔孺人賢孝夙著先卒子三裕輝乾隆丙午舉人子元嘉慶戊辰進士新河知縣慶壽武庠官衛千總孫六子皓子瑜增生子瑋庚午舉人子瑤子棟子梁庠生曾孫百朋大朋得朋宗誠寶誠銘曰

耄而康善未已裕世昆光閩里穎星常昭人瑞同紀歲非龍蛇嗟何起何戲先生何

曲阜縣志

卷八

藝文志 金石 碑誌

三十七

濟南同志印刷所印

妨起存也順事沒亦寧有德有壽有孫子

顏運生先生生關帝廟碑

出邑西門里許余負郭別業在焉地之近市者有關帝廟由來舊矣廟制頗狹居人謀共擴之殿前架瓦作棚方丈餘便拜跪也周以甃垣肅觀瞻也敬神之意旣誠且篤工竣來告余因略敘其端爲刻石以志之時嘉慶九年仲冬穀旦邑人興化縣知縣顏崇槩撰并書

朱孺人墓誌銘

梅曾亮

吾友繡山以函封詩詞及摹漢魏家隸書告曾亮曰此吾婦朱孺人作也吾婦幼失母專其事母者事父及後母遺腹弟調燥溼禦侵侮皆與其勞年二十而歸余移其事親者事吾親不敢有失焉不逮事吾母移其事姑者事祖姑不敢有失焉吾家素貧而族大姻衆賓客酒漿束脩之供饋能內外支柱不見罅漏使吾無自失於人者又以其餘功習詩詞繪書隸楷女姻好學者多從之遊其性情好尙固絕異乎常女

子也然親戚時聚處酬高應卑各適其人未嘗以方語自標異其密於用心者如是故瘁而病且紊遂卒吾哀其賢且勞致天其生而嗇於報以女子而求託於沒世不可知之名而其所喜以自見者又僅有是敢質之以於徵墓詞嗚呼其哀也如是其可無銘孺人諱璵字寶瑛海鹽人內閣學士兼禮部侍郎偉方增之女曲阜孔憲彝之繼室道光二十五年六月十五卒年三十五所著詩詞各一卷子慶第慶篤女慶婉以其年十一月二十七日葬於衍聖恭愨公墓左銘曰

重濟文獻泉碑記

環城皆泉也自東南入城渠者曰文獻繞城南北而西會於洙舊矣歷久於變渠在而泉沒於畦識者惜之歲癸酉葺林廟導洙河修南園石橋橋卽是泉所經也沿流溯源必窮其所自錦以少保中丞丁公命與印委各員履而跡之循南岸東行見缺

曲阜縣志

卷八

藝文志 金石 碑誌

三十八

濟南同志印刷所印

口故有橋今發掘土得名曰應龍橋以內左右町畦中若溝澮蓋淤河也行盡河身陡然一阜曰釣魚臺循名核實舊當近水與志載釣魚臺下有泮水及文獻泉卽與古泮水相吻合訪之士人猶有古泮水名乃爲大坎方三丈者穴地五尺許源泉併出罅在沙中其爲文獻泉發源無疑同卽由此施工次第而西計自釣魚臺至應龍橋量長九十二丈面廣一丈底廣八尺因原存河身五尺而倍深之并橋門悉增深廣引泉入渠繞城十里許徧濬之廣深方丈役夫一千五百名出土八千五石方費京錢三千三百串有奇而文獻泉入渠會洙入沂之路暢行無阻矣夫以一泉而攬山川鍾毓之秀極聖賢靈爽之憑其所關風會人文洵非淺鮮百年淤涸而一旦豁然貫通文脈流行靈機濬淪郡邑觀光之士其必有科第蟬聯功名鵲起者亦足以見我中丞振新文教之深心如水平之行地中無所往而不在焉興工於同治癸酉九月九日與洙河同時並浚蓋一月而畢云維時專司疏濬者縣令孫頌清鄧煥舉事孔慶鏗百戶劉相乾曲阜令趙澤雅監工者訓導陳善次年復濬者曲阜令嚴品鈞

也贊曰茫茫文獻混混源泉會於洙沂道脈千年隱現有時運會推遷流清濁返其性天作者爲聖述者爲賢毋俾茅塞視此涓涓光緒二年丙子四月吉日二品頂戴布政使山東遇缺題奏道山陰陳錦撰書

江西吉南贛甯兵備道蔣公墓誌銘

陳秉和

道光甲辰先大夫舉於鄉同邑蔣公亦獲雋時相過從情好甚篤時余爲童子侍先大夫側瞻其言論丰采心敬異之庚戌公提南宮官京師遂不數數見同治紀元予計偕入都謁公於邸第時招予飲輒至醉觀予闡藝深相許可而試輒鏃羽爲長者羞戊辰公分校禮闈予又報罷公深扼腕迨辛未通籍而公已於己巳出宰廣信矣後數年卓異引見又晤於京邸丙戌予奉諱家居公亦解組歸田復晤於里門蓋十餘年間雖內外異途未嘗不常相見也辛卯予移疾旋里裹足不入城市公亦登音甚闕雖近在咫尺而渺若山河頃聞公疾將往視而已歸道山夫往者地角天涯萍蓬難遇偏不期相逢今者惟桑與梓衡宇相連竟室邇人遠然後聚散有時卽一面

曲阜縣志

卷八

藝文志 金石碑誌

三十九

濟南同志印刷所印

之緣都難握定况富貴功名關乎命數而能惟我所欲乎公諱繼洙號蕉林生而岐嶷嶄然見頭角十六歲舉茂才三十登賢書三十六成進士工書初率更令繼學虞世南趙松雪殿試二甲第五朝考以微疵置下等授工部主事人咸爲公惜而公義命自安泊如也旋充軍機章京甲子王師收復江甯命免補主事以員外郎升用賞戴藍翎尋補虞衡司員外郎洵升都水司郎中記名以御史用賞換花翎出知江西廣信府署吉安府調補南昌府遷吉南贛甯兵備道督理贛關加鹽運司銜後二年以疾告歸光緒二十一年正月卒年八十有一公才具精敏任部務無多時而在樞廷爲最久蓋國家設軍機處總理庶務最爲繁重况公之倬直也戎馬倥傯軍書旁午又充方略館提調總理衙門兼行神機營辦理文案機務紛紜悉煩料量而公矢慎矢勤不事矜張而事卒辦庚申文宗北狩公隨扈明年文宗晏駕與諸王大臣同受顧命穆宗御極隨扈回鑾當是時天下岌岌公忠義激發不避艱險而材復足以濟之故十餘年間爲諸王大臣所深信迨簡畀外任復以廉能稱馭屬吏以嚴待百

姓以寬所居無赫赫名而去常見思以故屢登荐牘簡在帝心開府建牙指顧事耳而乃急流勇退以陶士行之精能爲張季鷹之適志所謂知足不辱知止不殆者非耶既賦遂初築盛果山莊別業種竹蒔花招二三知己優游林下復十餘年壽登大耋高朗令終可謂毫髮無憾矣嘗考邑中先達率多寒峻操心慮患非奮發無以自立他如聖賢後裔世德作求譬如順風而呼聲非加疾其勢急也公生時封翁已年高席豐履厚弗忍督責而公天性美質不扶自直人皆奮於憂患公獨成於安樂異矣且人幸能不成而或既升忽沉或朝榮夕悴如公之富貴壽考五福兼備者非獨室家之慶亦閭里之光至如捐金入贛州書院及本邑書院建家祠修知善橋好行其德在他人誠爲美事而不足爲公多也公先世豫人後遷鄒縣公之曾祖諱宏圖者始遷曲阜祖諱玉興附貢生布政司理問銜父傳俊亦理問銜以公貴皆封通奉大夫母聶氏生母張氏均封夫人配孔淑人道光己亥舉人曉山先生之次女先卒無子以胞弟繼瑗之子恩錫爲嗣分發河東候補同知亦先卒孫志堅廩生將以其

曲阜縣志

卷八

藝文志 金石 碑誌

四十

濟南同志印刷所印

年四月葬公於先塋之墓次具狀乞爲之銘而其狀所紀事實甚略第卽余所真知習見而心所敬異者謹臚陳如右銘曰

在昔周公封於曲阜惟彼蔣氏實爲其後篤生觀察可以大受公望公才有爲有守內贊宸扉在帝左右出納王言絲綸銜口外領大郡是挽瀾手督稅備兵胸中富有倏爾抽簪還轅疾走嘯傲山林優游詩酒生備箕疇歿正邱首道德功名均堪不朽誰其銘之年家子某勒諸貞珉以垂永久

清故徵士王先生墓誌銘

張性梓

今上御極之元年循例推恩徵孝廉方正之士以備詔用天下郡縣吏各舉所知以副天子求賢之至意甚盛舉也顧人當未膺是選時矩步方行亦稱佳士及荐剡一出而疵累漸形矣至於大吏榮及冠服而訾議百出此固未嘗好議論不成人美之結習要其立身制行必有一二不慊人心者故其不理於口抑有由也獨曲阜王先生應是舉羣然帖服始終無異言嗚呼此豈一朝一夕所能然哉蓋其樹立者素矣

先生諱天基字方田曾祖宏藝祖德新庠生父夢錫太學生凡四娶元母宋氏繼母顏氏生孔氏先生母也孔氏卒又娶孔氏先生既幼年失恃又復失怙事繼母如生母遇病漸既沉重昏迷數日醫藥罔效先生晝夜號泣適縣署幕友高軒過門聞之心動問故得病狀至署言及縣主母夫人曾患是症原方尙存差役送至一藥而愈人以為至情所感云母卒餘有膳田悉推以與兄兄撫其子如子家故饒裕篋積債券視其貧者悉焚之終不言也先生貌韶秀言辭溫欵與人處暖暖洙洙歷久無拗戾之色而居心清正無乖忤亦無詭隨凡接於先生者如飲醇醪皆醇醪有餘味年三十讀書濼源書院與滕邑楊靜存歷城郭春台郭小華相友善切劘以道義後因避囂移居林汲泉上唯小華與俱每風晨月夕書聲與泉聲相答塵凡望之若神仙然小華故放達先生慎密若不相合者而相得甚歡數十年如一日至今對人稱之每日王君真長者小華不輕折服人而稱之若此此惟先生之德之深中於人心也數奇困於省試年逾五旬始以廩膳生貢入太學候選司訓辛巳學校荐舉再三推

曲阜縣志

卷八

藝文志 金石 碑誌

四十一

濟南同志印刷所印

讓終不獲辭蒙恩賜六品職銜而先生年已衰家亦中資勤於教誨長君鴻猷領辛酉鄉荐次鴻裕鴻藻鴻澍孫寶書俱遊庠女二一適陳孝廉子璋一適袁茂才家塾子孫道素相承蒸蒸日上則天之報施善人未可謂不厚也以庚寅八月四日無疾卒壽七十有七德配孔安人因按其狀而誌之而繫以銘曰
遊其門松菊猶存堆書滿案茶熟香溫先生安往風雨晝昏登其隴山川環擁沂泗交流鼻繹遙拱先生藏焉奕世克鞏

記名道甘肅鞏昌府知府顏聘卿先生墓誌銘

孔祥霖

光緒十三年同里顏公解組家居閱七年甲午予乞假省親得以時親教益為幸猶憶去歲秋日公至舍縱談當世之務慨然曰民生之困由吏治之污吏治之污由仕途之雜予因私臆其說相顧而纍欷焉是冬公患痰溼之疾乃甫逾歲遽捐館舍嗚呼老成凋謝渺矣典型予蓋不覺潛焉而出涕也茲者其孤以狀徵銘予不敢以不文辭按狀公諱士璋字聘卿為復聖裔孫曾祖諱懋楷候選布政司經歷祖諱崇明

庠生父諱懷進至聖廟奎文閣典籍俱封贈如公官母陳氏生母熊氏並封恭人公以道光二年七月初六日生幼卽穎異好學爲文樸實說理不逐時趨弱冠補博士弟子員旋丁父憂服闋由優行食餼家貧教授生徒視學者之才質以造就之咸豐己卯舉於鄉已未成進士以主事分刑部河南司行走時值髮逆北竄奉調回籍辦團公籌備城防不遺餘力論功奏獎遇缺卽補並加員外郎銜事平到部供職勤於聽斷尤能平反疑獄補山西司主事轉員外提升江西司郎中兩屆京察保列一等記名以道府用歷充秋審處總辦律例館提調京外讞冊經公手自判定務衡情法之平嘗曰人命至重固不可失入陷人重辟亦豈可失出誘人以嘗試故讀律十年精熟過人遇案援引周詳不憚再三訊辦爲大司寇鄭公敦謹所倚重同治戊辰鄭公奉命查辦山西疏防捻匪各員奏調公同往襄理公沿途周咨博訪擬案屬稿鄭公悉依以定議庚午歲兩江制使馬新貽被戕章上朝廷以案情關重且言者謂刺由主使特派鄭公馳赴江寧覆審併以公偕公提訊兇犯張汶詳反覆推鞠盡得原

曲阜縣志

卷八

藝文志 金石 碑誌

四十二

濟南同志印刷所印

委至主使一節絕無端倪遂依律擬以凌遲奉旨照準凡公所料省並能存大體而無文致與向日在部讞定各案一律稱平實無往不可自信且爲大僚同事所共信也差竣回京復辦結鄭親王一案遂授直隸河間府知府時河屬水溢爲災公履任籌辦賑撫全活飢民無算未幾丁母憂起復授甘肅蘭州遺缺府充丙子科甘肅鄉試內監試奏補鞏昌府缺公下車之始首事招墾以次懲蠹吏建學宮集巨資爲書院膏獎課卷必親評甲乙勉以根柢之學以故諸生爭自濯磨士風翕然一變十餘年間吏畏民懷卽獷悍野番罔不深去後思素性廉介杜絕餽遺署中久沿規例毅然除之雖廉俸所入無多泊如也繼因修墓開缺歸里日以文史自娛人無敢以公私干謁者惟遇善舉樂爲之輸戚族貧乏必解囊助之著有讀易卦象串講四勿齋詩文鈔集禊對句待梓每戒其嗣以倖叨一第毋得自矜且士貴躬行至如仕進則隨所遇而已公家法之嚴與學行之粹皆可於此乎信之噫民生之困至近歲亟矣得一賢太守撫循善治戢暴懲奸而且重農事開衣食之源教士子爲民風之倡視

世之逐末務尙浮華者相去逕庭豈非斯人之大幸而卒不得躋顯安以大其施顧不惜哉蓋公生平恭謹而能守禮遇事輒侃侃以爭必如其意乃止以是大吏每忌畏而睥睨之轉不若習於脂韋者流得邀上考蒙不次之選雖然明德後有達人其嗣恪守先型必有善繼述以爲民生利濟者公亦當無遺憾已公卒於光緒二十三年二月二十六日享壽七十有六今以是年十月二十八日葬祖塋之次配楊恭人先公卒造室魏氏子錫均辛卯科舉人孫振瀚振鴻俱幼銘曰

古之循良必以經術飭吏治兮後之學者不識經世爲何事兮進而求名或以諧俗爲常例兮出而親民反與民生不相繫兮公矯此習但別是非忘趨避兮未竟厥施巨公長人能無愧兮述美蕤幽千秋萬歲名不替兮

孔剛介公神道碑銘

陳寶箴

同治元年壬戌某月某日臺澎兵備道曲阜孔公殉難於臺灣之彰化以某年某日歸葬於曲阜祖塋之次而墓道之文缺如越三十四年乙未寶箴守藩直隸公季子

曲阜縣志

卷八

藝文志 金石碑誌

四十二

濟南同志印刷所印

憲高爲新城縣知縣以狀來請公諱昭慈字文止孔子七十一世孫曾祖諱傳炯江南布政使誥授通奉大夫祖諱廣禧舉人候選知縣妣某氏自布政公由曲阜遷寓濟寧三世皆用公貴贈資政大夫妣皆二品夫人公自少力學敦志節慕海忠介之爲人道光十三年成進士改翰林院庶吉士散館授廣東饒平縣知縣母憂服除改福建古田縣知縣調閩縣歷署沙縣莆田知縣攝興化通判邵武同知所至有惠愛尤善捕盜得劇盜立置之法而有其從使各捕餘盜盜發輒得由是解散在沙田興農桑之利莠民遠迹莆民有私鬥者輒相戒曰勿貽孔公差遷鹿港同知已擢臺灣知府除兵備道其閒整飭鹽政穿臺嘉兩邑之渠漑田所設施皆爲民規久遠凡官臺灣十有四年而難作始彰化民戴萬生潛結社聚徒衆公戒彰化知縣密偵之知縣以民自爲團練不之問臺灣民性喜亂公至臺反者已六起公皆預設方略應時捕滅戴萬生之起治嘉義反者甫定反書聞公方臥病立出私錢募勇昇疾入守彰化城淡水同知秋曰覲爲前鋒遇賊戰死先是賊聞公之速至猶疑畏懷兩端及邂

迨戕日覲遂脅衆進薄城下公激厲士卒拒守三晝夜有爲賊內應者夜開門納賊公麾兵巷戰被重創賊中識公者趨前欲負公還郡公不可令掖送至彰化孔子廟前死年六十有八臺灣懸隔海東南自初定時設總兵官一主兵兵備道一加按察使銜治吏事有急故兵備道得奏事而署總兵官名其前額置戍兵三歲一渡海與內地兵相更代道光末更戍之制弛兵額日益侵耗公自知臺灣府三上書大府論戍兵空籍當飭總兵汰疲弱益募土人驍勇充補備緩急不省及爲兵備道乃僅得按故籍選用其材武會粵寇犯閩省中徵調急。發兵內援所遣彰人林文察後擊賊爲名將公所拔之於獄者也然自是臺灣備益虛變起兵官既疲老不任事公倉卒召募軍倉器械都不具故及於難事聞賜祭葬祀昭忠祠賞其子騎都尉世職臺灣人又以請復昭建專祠臺灣予諡剛介國史館立傳已又允建祠於其鄉配鄭夫人繼配楊夫人生子二曰憲曾翰林院編修曰憲高直隸新城縣知縣公廉於財其爲治究切利病務使實惠及人不爲聲譽而遇義所當爲無毫厘顧慮咸豐八年朝

曲阜縣志

卷八

藝文志 金石 碑誌

四十四

濟南同志印刷所印

旨許泰西各國通商臺灣淡水公力爭臺灣乃郡城民夷逼處爲不便卒與西國領事改義開市滬尾其智勇有足多者彰化之役賊衆十倍官軍人謂宜待內地兵大集乃赴救卽赴救見事危可退守郡城圖恢復公一不爲動以職在守土不當避難求苟活毅然不欺其志如此自公沒後臺灣變迭起今且遂淪爲異域使公而在世其憤恨當何如於憲高之來請銘揭公之大節於碑益不能無感云銘曰運屯東南殃徒揭竿如障江河萬首竝攢莽莽臺澎負海一隅迹阻勢遐孰究孰扶帝簡賢良公來自東迄十四年焦心瘁容撫其榛狉姦頑弭伏穿渠行鹽載以煦育夷市初開氓吏驚怛抗言庭爭處之區脫難發不虞下邑狂獬奮袂興師星殞雲翳虛備養癰柄非由已甯惜一身以墮人紀閔嵩萬衆失聲所親歸元故邱川嶽誕靈自天有命褒德悼忠閱世鑄辭永奠穹窿清光緒二十五年歲次己亥 月 日 穀旦

孔剛介公祠堂碑記

張裕釗

同治元年春曲阜孔剛介公諱昭慈殉難於臺灣之彰化事聞詔陰襲騎都尉賜祭

葬祀昭忠祠又從臺灣人之請建專祠於臺灣予諡剛介詔史館爲立傳九年濟甯人復請建祠詔曰可於是又建祠於濟甯公有子翰林院編修憲曾新河縣知縣憲高屬桐城吳刺史汝綸爲碑銘刻之濟甯祠堂而臺灣之祠顧尙未有紀於是復以屬諸裕釗裕釗既不獲辭則具著公之閔烈大節尤爲重於臺灣者系以銘詩而使錢諸石始公由翰林院庶吉士改官以知縣官福建累擢鹿港同知臺灣府知府臺澎兵備道先後治臺灣者十有四年臺灣縣絕東南海外數千里之地界阻華戎屏蔽全閩形勢號稱險要自國朝肇置郡縣俗雜榛狃人氏桀悍難治公居臺灣十四年之間反者六起最後彰化奸民戴萬生一旦乘不虞作亂有衆數十萬時臺灣總兵罷老知府又新至兵械儲皆百罔一備警聞公方臥疾兵備道署立起自捐金錢募民兵昇疾馳入彰化淡水同知秋日觀戰死賊乘勢薄城下公屬士衆堅守連三晝夜有內應夜開門內賊率衆巷戰中大創遂抗節以死嗚呼惜哉公之成進士入詞垣儀徵阮文達公一見器之曰此人他日必以幹濟風節顯及官福建所至聲績

曲阜縣志

卷八

藝文志 金石 碑誌

四十五

濟南同志印刷所印

卓著嘗任古田莆田沙閩諸縣攝興化通判邵武同知莆田民鬥者至相戒毋貽我公羞而沙民德公禁鄰邑莠民入境植茶奪農桑之利且乘間爲劫盜者至今言之猶爲感泣其遇事究切利病務使實惠及人益洞曉事宜所處輒中畫默會定變決疑當機立斷臺灣諸反者之起值兵實久虛驟無所指事勢皆岌岌公輒祛私橐倉卒集事捷出迅掃應時殄破久於臺灣威德流聞先是公初受臺灣府篆三上書論戍兵空籍之弊請改募土兵革虛名以收實效反覆累數千言事雖格不行而大府重聽其議他若穿臺嘉兩邑界上之渠息旱潦之患瘠壤大饒識林軍門文察於微時白其枉獄薦之渡閩討賊卒破走越寇以功名顯力持外國通市不得至臺灣郡城而處以滬尾閒處迄今民賴其利皆卓卓可紀在人耳目聞者故逮公之死天子悼惜叱庶悲思閩中大吏如失左右手其他識與不識莫不同聲痛悼傷天之不憚遺云自公死後十餘載臺灣事日益棘日本法蘭西先後倣擾境上幸而壹解廷議始經營臺灣以障南服改設巡撫以下官吏徵兵轉饟辟啟嚴疆爲強本折衝之計

殫精勵慮朝廷南顧而憂蓋茲事翳絕艱大非其人故弗克任如公者殆其人與而
既以難死矣世之無事闕冗庸猥之徒平進富貴酣豢醉飽一無所效於時一旦變
興瞪目束手不知所出而嵬瑣小才或乘時遘會驟躋榮顯畀以大任而汽莫能勝
而才節完具明略深識如公者乃猝遭禍亂以隕使天下不得收其力用彼蒼蒼而
處高者謂之天耶吾不知其所爲也銘曰孔子之系著在史氏代有聞人曲阜是紀
洎公會祖遵泗西迤復顯濟寧越公大起廟祀其鄉變櫺韓式是邦人是則是似
顧公繫重尤於臺澎臺澎莽莽百蠻所偵巨蚊雄虺鋸牙怒睛內姦外寇牡唱雌鳴
公來治之武緯文經戢其矛鋌吹以簧笙姦慝瘖伏絃歌旬旬島夷來入委之旁楹
屏虛聽命莫我敢瞪終竟厥施廈其無傾胡天不弔不求厥寧一炬之燎摧我棟楹
云如可贖百身猶輕爲此頌詩聲之寰瀛光緒二十五年歲次己亥 月 穀旦

重修尼山祠廟記功碑

尼山爲吾祖發祥之地周顯德中始創廟祀宋仁宗慶曆中四十六代文宣公始立

山阜縣志

卷八

藝文志 金石 碑誌

四十六

濟南同志印刷所印

學校置祭田卽廟爲學後燬於兵火元文宗至順間五十四代衍聖公會請復祠廟
至順帝至元間始經山長彭璠以私錢草創堂宇而山東肅政廉訪使分司揚訥會
同五十五代衍聖公倡師所屬及齊魯士大夫共作大成殿大成門神廚明倫堂及
東西齋塾毓聖祠觀川亭規撫始大備至正十四年鄒縣達魯花赤馬哈達復塑四
配像三十一年鄒縣尹司居敬又改塑神像於坤靈洞中章甫逢掖如古禮明永樂
中至五十九代衍聖公增修啓聖殿及寢殿於西偏弘治中六十一代衍聖公以修
文廟餘貲重葺之清康熙時六十七代衍聖公加以塗飾雍正間六十八代衍聖公
鼎而新之嗣經乾隆間七十一代衍聖公咸豐間七十四代衍聖公兩項重葺迄未
大修歲甲子同安郭君禎祥慨捐巨貲獨力修葺越歲歲事輪奐粲然斯舉也媲美
往哲繼往開來固不第我世世子孫永矢弗諼也曾樹碑工次以誌不忘惟尼山境
地較僻聞見難周兼立此石於山阜廟中元甲子第二年乙丑五月孔子七十七代
孫衍聖公孔德成囑宗人繁裕記大興馮恕書丹監修江蘇王榮光

誥封中憲大夫甲辰舉人陳老夫子德行碑

孔憲毅

書曰德無常師主善爲師孔子曰三人行必有我師韓昌黎曰道之所在師之所在若是則人盡師也然而孔子卒門人相嚮失聲陳相師死遂倍孟子譏之朱文公卒四方之大會於信州以送葬此又何也蓋求師不可不廣而事師不容不尊檀弓就養服功與君親並重非無謂也我師陳仲來子性行端筋力倦屏浮華爲時藝根柢蟠深不屑屑爲章句之末其教循循善誘口講指畫終日不倦論文不專一格高明沈潛各因其才質爲成就而要以剝落浮豔獨標清真爲正宗曲邑聖賢桑梓不乏才俊而比來文運稍衰由師承無自譬猶瞽之無相俵俵何之終夜有求於幽室無燭何見欲南適而北其轅無惑乎不能至也我夫子以名孝廉爲真儒師魯諸生執經問字者踵接於門咸帖帖侍坐側以有所法程爲幸且日親光霽鄙者之萌不知消歸何有是不獨爲馬鄭之經師並如孫明復胡湖州之可爲人師矣不意遽歸道山使學者不能卒其業非夫子之不幸實多士之不幸也門下士旣賻而弔諸生又

曲阜縣志

卷八

藝文志 金石 碑誌

四十七

濟南同志印刷所印

恐久而或湮略述梗概聲諸貞石俾後之覽者知穀等所以老夫子者爲誠服非阿好並知生於三事如一而尊師重道之心可油然而生矣銘曰防山之麓沂水之涘厥有偉人爲陳夫子夫子之品金錫圭璧夫子之文菽粟布帛夫子之學春華秋實夫子之教坐風立雪身隱名彰人往道光夫子之澤山高水長

內閣中書顏秋平先生墓碑銘

王 瑚

余幼讀魯論殫心顏曾之學而於顏子所喟歎茫乎不知其所謂比老乃學易始悟曾子之學成於良顏子之學得諸復吾生先賢二千四百餘年之後乃今如見其心矣君諱錫均字秋平復聖七十三代裔也其夫人與內子爲中表兄弟光緒甲午同應禮部試余因蘇棟雲者一往謁未遇又三十年余長江蘇秋平亦因棟雲遣我以雕木曰楷者相傳子贛所手植今孔林中古物也余每想見其爲人冀或一遇之乃忽以訃告其子輯君之行狀數以書來乞銘其辭有餘哀焉今又有其同里孔君繁培者遠來朔方爲述秋平一生事蹟嗚呼吾於數千里外益心儀其爲人矣君生九

歲始能言家儲羣籍耳目濡染若以神悟及就傅不學而能書不過兩三讀卽久不忘家素豐少年已自知刻苦出不以車衣未嘗純帛而遠方親舊來告貸無不如其求以去平生以崇聖教傳家訓爲己任光緒癸卯山東巡撫周奏請重修元聖暨復聖兩廟堂而以君監其事是年春值禮部試君乃備極經營親至遠方求異材比試竟不克往或促之北上澹如也自清季入民國以來如地方自治興學築路商會工廠諸新政君則無役不從事舉而費省成績粲然俱可觀今者變亂徧天下曲阜介南北通衢其過客鉅子武人莫不以禮謁孔子廟訪求先聖賢遺蹟及觀君之所創設皆亟稱不置以故環孔里而居者近數十里內幸得安無恙此猶見古聖垂教入人之深而後之君子其所維護而保全者爲甚大也歷代凡先賢在祀典者子孫皆歲時致孝享其世系詳載譜牒藏之宗廟可不具述君之皇考曰士璋字聘卿由刑部出守直隸河間府改任甘肅鞏昌府秩滿引見仍回任候陞在官久政理人和爲當道所倚重年老乃以道員乞休君以光緒辛卯科舉人授內閣中書里居終身不

曲阜縣志

卷八

藝文志 金石 碑誌

四十八

濟南同志印刷所印

求仕進娶德州陳氏咸豐己未進士升用道江蘇常州府知府諱大誥公女子二人振瀚振鴻女一孫六人承桐承杞承棟承枚承梓承桓君生於清咸豐十年庚申四月二十三日卒於民國十三年甲子九月十六日春秋六十有五銘曰孔爲木鐸猶欲無言顏戒非禮以閑以存君生異稟惟舌是捫逮乎受書孰啓其籥日誦萬言羣書極博鞏昌再出有子克家既仁且孝甯儉無華周公啓字式是魯邦顏居陋巷禹稷同功修其祖廟同時並作大吏曰咨茲工疇若一委之君如期而落君在曲阜萬夫之望咸來取法舊德新章惟彼桀黠薰德爲良以君之年壽考有延以君之德柔嘉維則以君之富善人是祐有子多孫後世其繁乃脫然而辭去得勿厭斯世之渾渾吾爲此銘用質君於九原

賜同進士出身誥授通奉大夫內閣學士兼禮部侍郎銜署順天府府尹陳

公墓誌銘

吳重熹

同治壬戌余與梅村陳公同舉於鄉嗣在京又同入登瀛仙館文社朝夕過從聆其

言論風旨惟以崇正嫉邪爲念心敬異之厥後公供職京華余筮仕中州每閱其奏牘而嘆果能不負所言今公歿于里哲嗣以狀來請銘其墓余與公交最深忍以不文辭乎按狀公諱秉和字梅村世居曲阜曾祖士元嘉慶戊辰進士直隸新河縣知縣祖子瑜增生本生祖子瑋嘉慶庚午舉人昌邑縣教諭父得朋道光甲辰以第二人舉於鄉學尤深邃主邑中昌平書院講席受業者多所成就公幼承家學爲文深入顯出力掃庸庸辛未成進士與館選授職檢討負性剛正從不至權貴門充國史館總纂筆法森嚴寓褒貶乙酉以春坊左中允署國子監司業曩時京闈弊竇叢生有情人入場而中式者公偕大司成王公先謙于錄科時嚴杜其弊令同省官具結確係本人方準入試宿弊一清中國自教堂林立奉教者往往倚勢爲害鄉里公抗疏謂宜申明條約凡涉教案不容各國使臣左袒不然愚民既依入教爲護符姦民遂假仇教以起事以後何堪設想恭邸覽奏首肯以事關重大遂留中後卒如其說戊戌任春坊右庶子特旨命署順天府府尹異數謝摺云旣膺千里畿疆之任敢存

曲阜縣志

卷八

藝文志 金石碑誌

四十九

濟南同志印刷所印

五日京兆之思一切陋規概行謝絕晝接僚屬夜治文書惟恐稍有限越負兩宮特達之知寶坻縣令因憾袂劾上命查明回奏及查所劾非虛同兼尹某公會銜奏上該令實降三級而後任府尹與該令同鄉轉向兼爲關說情辭哀迫某公不得已遂自行檢舉而公不知也因得停升處分是時公已轉翰林院侍讀學士遭此抑枉人多代爲不平公絕不介意曰吾但知除污吏而已他何計焉東撫張汝梅引用私人誤河工廢捕務侵蝕賑款公羅列參奏上立將該撫降級揀用其餘任用人員或革職或撤差當是時公直聲震天下因辭涉樞臣所行與該撫共事年月不免有誤上謹傳旨申飭不令議處蓋公之忠貞持國已在聖明洞鑒中也庚子之變拳匪甫入京師公謁相國徐公言自司未聞有以邪術成事者宜慎重之及今尙可挽回徐公漫應云此殆天意乎事若成則國家幸甚公知事難勸止竟嘆息而出未幾鑿輿西狩公未及隨駕步行出京欲奔赴行在而腹疾大作無可奈何間關旋里途次德州聞升授閣學之命抵里後疾久不痊懇請開缺自此絕意仕進向使公早登顯秩得

竟其用德以化民廉以率屬清吏治挽世風其所表見當不止此惜乎其竟齎志以終也公生於道光十五年七月初十日卒於宣統元年六月初八日年七十有五配夫人河南候補知府錫惠公女繼配江夫人沙溝都司聯祥公女皆有淑行又配黃夫人廣東巡撫恩彤公女孫中書科中書舍人師侃公女公歿三日絕粒身殉恩予旌表節烈子希登同知銜江夫人出孫六人十月合葬於城東舊縣祖塋之側銘曰穎川後裔篤生偉人襟期磊落丰骨嶙峋筆嚴史館鐸振成均疆畿千里寄此良臣權奸誤國抗疏直陳每念時局慨焉愴神狂瀾欲挽有志莫伸騎箕天上光彩常新

孔少霑先生興學紀念碑

此碑樹在縣立高等小學校內

吾邑孔氏多經師如荏谷之於三禮稟軒之於公羊其尤著者也有清末造歐學風馳而以新知識餉饋來學融會中西俾不拘於一是者則自我少霑先生始先生以聖哲後裔早歲騰達屢持文柄皆稱得人尤留心於經世之學督學湖北時整頓兩湖經心各書院以經史理學分科教士宏材實學多人毅中庚子而後朝廷銳意維

曲阜縣志

卷八

藝文志 金石 碑誌

五十一

濟南同志印刷所印

新本省大中丞建德周公仰先生名遣使敦請襄辦全省學務任事數載既籌設省內外各師範學校暨大小各實業學校而育材梓里彌復殷拳計自癸卯至丙午籌設四氏中學校四氏師範學校而農桑會工藝廠及兗州學校亦同時並舉經費支絀則請於當道歲撥款若干以資挹注民國既建先生自豫解組慮嗜新之說或流於偏當復倡經學會以維持之蓋先生一生綜學務之時多故其流被者遠而收效亦甚宏焉以民國六年卒於家嗟乎非常之事創始爲難以吾魯蕞爾微區而興學最早且不以歎無所出稍緩進行飲水思源敢忘先生之賜哉爰集同志鳩工勒石以誌不忘而紀其顛末如此

中華民國七年三月曲阜學界公立

孔潤生先生德教碑

先生諱祥桐字潤生曲阜孔氏孔子七十五代孫也性剛介不苟於諧俗自總角時聰穎絕倫讀書能過目成誦弱冠以縣試冠軍補四氏學博士弟子員旋食廩餼清

季學校肇興孔生少需奉命赴東瀛考察學務約先生同往返國後一意研求新學盡焚其舊存文稿嘗謂維新以教育爲始基而教育必注重物質學料以期有裨實用遂入山東師範學堂畢業復東渡留學習理化專科殆欲輸入物質文明以補吾國學術之缺也先生淡於仕進清宣統己酉取錄拔萃科例授直隸州州判未赴選蓋自東渡返國已慨然以教育爲己任矣初長齊河縣小學成績斐然自是爲當道所器重歷任臨邑小學堂長濟寧中學堂監督兗州中學堂監督山東省立中等工業學堂教員所至實心任事不辭勞怨出其門者多一時知名士民國紀元調長曲阜師範學校越三年蔡公志賡巡按山東整頓全省教育合濟甯道屬各師範學校改組省立第二師範學校以先生負時望富教育經驗任爲校長時校址尙未定也先生建言曲阜爲中國文化發源地宜作一道師範校址蔡嘉納焉先生任事後以改組伊始學舍宜亟增建慘淡經營不遺餘力而管理教授訓練諸方法又皆悉心釐定期符共和教育宗旨家距學校伊邇非假期不一返蓋視校事爲家事而學生

曲阜縣志

卷八

藝文志 金石 碑誌

五十一

濟南同志印刷所印

則視爲子弟勤勤懇懇數年猶一日也以故先後養成之師範人才以千計當畢業離校時皆遲徊不忍去若辭家而遠行者然及服務社會莫不勝任愉快而各縣小學之選聘教員者一言第二師校畢業生誦慶得人此足見先生之教育成績矣又以附屬小學爲教生觀摩所繫擘畫又極精詳凡中外人士之蒞校參觀者咸嘖嘖稱道弗置江蘇教育會會長黃任之先生謂爲全國小學之冠非過譽也民國八年山東學潮驟起曲阜亦被波及先生以不克行其志決然辭職以去蓋先生夙以改良教育爲己任自清季辦學至是幾越二十年皆本其一定之主義以培植學生使之成材絕不曲徇學生之意而置其主義於不顧故其去曲阜也人莫不爲第二師校惜並爲先生惜而先生進退綽然固無所容心於其間也余與先生同受知提學使羅公順循初共事於省立中工學堂及先生長第二師校又被聘與於教員之列極欽重先生之爲人而其教育有方自愧弗逮遠甚先生既歿其哲嗣令璋令琪令瑤令琨令瑞昆弟以通家誼時相往來皆恂恂有禮今咸畢業專門學校於軍政界

嶄然露頭角先生之善於教育亦見一斑也余今春重遊歷下當年第二師校諸生張君葦村姚君子琴秦君召南劉君魯生皆共職省垣公暇時相過從言及先生猶極口稱頌咸以克自樹立皆先生賜一日召南攜先生狀來以同學共議爲先生暨碑昭示來茲而請文於余余於先生交久令璋令琨又皆嘗從學重以諸生請義弗容辭夫以今日學風之不古若師生間雖視相授受一旦離校他之幾如路人之不相識者比比皆是也先生歿已十年矣而諸生追思其教澤猶深嚮往且思有以表章之非所難而可貴者也故余亦樂助成其事惟愧年老學荒未能盡其心之所欲言以傳先生德教於不朽耳

曲阜孔教總會會長孔厚菴先生碑文

陳煥章

自聖師之沒二千四百有八年我中國治亂相尋割據攻取者何可勝數而聖陵安逾泰山柏楷無恙聖廟尤累代增飾罔替益隆雖遭夷狄憑陵盜賊竄擾從未敢犯也今歲庚午六月六日林廟竟陷于兵南北用爲戰場閱十有一日而後熄當時突

曲阜縣志

卷八

藝文志 金石 碑誌

五十二

濟南同志印刷所印

冒兵火負有衛廟及庇民責者實爲曲阜孔教總會會長孔厚菴先生先生當撰曲阜十一日戰事記旁人懼觸忌諱阻不令刻煥章欲撰布告天下文貽書徵事始以稿報予雖勅取入文懼波累先生未敢道所自出迨先生遠衆議刊布之予之文亦已郵寄先生及見否未可必曲阜總會忽以先生卒電告嗚呼去歲大成節予奉吾母李太夫人赴會祝聖先生恩禮有加與予朝夕共事談經說教把酒論心夤夤忘倦方謂先生精神老而加健孔教有託乃相別不及一年書札往還曾未盡達竟無從再面嚮使世路清夷林廟不驚先生體強氣足其壽豈止六十有八歲而已耶即使壽命有限苟吾儒信教能得自由不受侵侮則予亦無庸避地海濱必照常赴會先生致命遂志之豈予必親見之而助理其喪事豈若今海山深阻南北遠隔哉嗚呼可哀也已先生諱繁樸字厚菴聖師七十四代孫祖考皆名諸生學者多出其門先生弱冠補四氏學庠生中光緒乙酉科舉人已丑科貢士庚寅殿試賜同進士出身以知縣選部銓選合肥李經方出使日本奏調爲長崎正理事官任滿以直隸州

知州用加四品銜籤分陝西爲歷任大吏所倚重補乾州商州綏德等州以卓異保升知府補同州府知府清廷遜位陝盜讜起先生抱與城存亡之志繼配夫人吳氏遂先投井以殉先生後嘗予言深慨其不獲偕死而今猶生存也革命軍至旣以先生素得民心迫令照舊任職不屈抱印赴省冀呈大吏辭職不意省垣無主無法繳銷遂違杜門不聞時事癸丑大成節予創開全國孔教大會于曲阜先生一見如舊識乙丙之際同居北京衍聖公府累月丁巳大成節公推先生生長會事先生識精而力果氣和而志剛篤守家學有欲挽以二氏臭味者凜然其不可犯延師授子弟經或以時方禁經危之先生曰吾奉吾宗教不得不讀吾教經典且是乃吾祖傳家學也爲人子者敢忘祖乎故孔氏各私塾之讀經者恃之以爲障其幼子祥燦今甫十齡亦卓然有以立戊辰有覬覦衍聖公產者先生走南京與政府力爭議稍定矣踰年而盡變之有所謂改革林廟辦法又欲奪取衍聖公印者先生函告予予文電爭于外先生主持于內事暫寢先生長子祥灼早卒次子祥燁今春病卒子婦孫氏殉

曲阜縣志

卷八

藝文志 金石 碑誌

各種金石類

五十三

濟南同志印刷所印

之遺一子令述尙在襁褓及夏躬罹兵禍形瘁神傷仲秋將開第十八屆全國大會累日疲于奔走至大成節日祭畢講經于奎文閣悲憤久積勞役新增口講旣終氣厥猝發不能言動輒反家至亥遂卒此日此地此情此事可謂以身殉道死而不朽者已凡我四海同教之人永懷哀悼相與樹碑表德而命煥章爲之辭辭曰夫人殉難兮子婦殉夫先生殉教兮盛德不孤聖誕考終兮雖死猶蘇魂依廟廷兮隨聖步趨魂藏聖林兮永絕禍株兵氛不再兮無敢樵芻大昌厥後兮能讀祖書敷教四海兮一統于儒

各種金石類

鑿金塔 縣城鼓樓南地藏庵內有鑿金塔一座共十三級高三尺餘上有頂被人竊去易以木頂下設木座塔身刻佛像數百惜字跡模糊不能辨認相傳爲唐以前物現歸古物保管委員會保存

漢陽三老殘碣 光緒十四五年間曲阜項某在城內試院後東北隅掘土得之碣

上有陽三老並延平元年十二月甲辰字樣旋歸溁陽端方嗣後好古者以重價求原拓片不可得矣

漢熹平斷碑 碑在曲阜城東關外乾隆五十八年四氏學教授顏崇棨移置孔廟內同文門下可識者七十五字不全者五字共八行第五行無字第八行存半字此據魚台馬邦玉漢碑錄文所載又按定海方若校碑隨筆謂碑爲黃易訪得未知孰是碑有阮氏題識又有袁顏馮錢諸氏與北平翁氏題名末又有孔氏嵌石題識

漢二石人 曲阜城東十里許有魯王墓墓前有石人二半埋土中乾隆甲寅春儀徵阮芸臺視學曲阜飭教授顏崇棨縣尉馮策徙移古矍相圃篆書一曰漢故樂安太守麇君亭長一曰府門之卒

漢張角殘石 光緒中城東盛果祠村農人挖土得石形屬三棱清晰者二十一字內有張角二字識者指爲漢石旋爲碑估購去不知流落何所矣

漢墓石刻 縣城東六里韓家鋪南有石墓年遠傾塌暴露田間墓爲二穴間墻石

曲阜縣志

卷八

藝文志 金石 各種金石類

五十四

濟南同志印刷所印

面刻字一行文爲山魯宋東安漢里君石也字體猶見篆隸蛻變之迹爲西漢石刻無疑四壁石上人物諸刻極類漢畫惜其時土人不願發見又以上覆之云時民國二十一年

漢畫像

顏氏樂園畫像 字漫漶不可辨

元帝廟畫像 八分書

聖府後門畫像 無題字

后宰門街東柵門畫像 無題字

聖廟大中門內畫像 民國十四年春在古泮池得之移置大中門內無題字

復聖廟畫像 民國二十年冬在顏林得之移置復聖府無題字

六朝佛塔 縣城西北隅白衣堂有石塔高五尺餘六面皆刻佛像無題字後白衣堂改爲縣政府第五科辦公地故此塔今存第五科

唐經幢 城南小薛村天齊廟內有六面經幢每面皆書佛經相傳為唐代所製
宋代石刻 少昊陵前有白石堆他石上底有刻文乃大中祥符奉敕安玉石聖像
諸臣題名札樸云所謂玉石聖像蓋景靈宮之像後人因在少昊陵前又刻金天玉
紐四字於石側字已漫滅白石不出於曲阜考容齋三筆云真宗好符瑞興土木凡
役工日至三四萬所用有鄭淄之青石衡州之碧石萊州之白石知此石乃自萊州
運至計程亦已遠矣

金先師堯國公墓碑 王筠書 大定二十四年三月 顏子林

元曲阜縣治遷徙記 行書 舊縣

明萬仞宮墻刻石 胡纘宗正書 劉夢詩立 嘉靖七年春 古壘相圃

明泮宮刻石 英郡周天球正書 古泮池

明鳳翔千仞四大字斷碑 舞雩臺

明兩觀刻石 兩觀臺

曲阜縣志 卷八 藝文志 金石各種金石類 五十五 濟南同志印刷所印

清武德將軍胡公珩墓碑 蔣蘅書 乾隆五年 東郊門外胡家林

清閔鶚元集廟堂碑字纂言刻石 正書 孔昭煥跋 乾隆二十六年 西值房

清復聖廟卓石刻字 乾隆四十一年

石在復聖廟歸仁門之東上鐫乾隆四十一年鄆城縣知縣吳元龍承修復聖廟
工程告竣時立石玲瓏透露名曰卓石殆有取如有所立卓爾之義云

清御製釋奠詩 行書 碑院 乾隆四十九年

清兗州知府于山謁廟碑 草書 乾隆五十六年 大成門東

清山東學政阮元主祭文 八分書 凡二石 乾隆五十八年 啓書門東廊

御祭碑 孔憲增正書 大成門東南第三樓 孔慶鎔立石 嘉慶元年

清葺修大成殿碑記 正書 大成門東南第一樓

清復沛縣祭田碑 顏懷樞正書 金聲門

清禮樂學免差徭碑 正書 啓聖門 嘉慶二十二年

重立免差徭碑 正書 毓粹門 嘉慶二十二年

清遣刑部侍郎廉善致祭碑 正書 大成門 嘉慶二十四年

清遣西州副都統西陵阿致祭碑 正書 大成門 嘉慶二十五年

曲阜進士題名碑 正書 舊縣學 道光元年孟春

重修四氏學碑記 孔慶鎔撰 顏懷矩正書 道光二年

中庸說 阮元撰 行書 凡二石 道光十八年五月

孝經刻石 正書 奎閣掖門 道光十八年五月

碑院記 孔昭燾記 孔憲階正書 道光十八年七月

何桂清致祭碑 正書 奎閣西 道光二十八年五月

重修四氏學署告成碑記 顏錫敬書 舊四氏學 咸豐五年八月

釋奠祝文 正書 尙慶湖立石 同治三年二月

重修曲阜學宮碑記 孔祥珂撰 正書 同治六年十月

曲阜縣志 卷八 藝文志 金石名種金石類 五十六

濟南同志印刷所印

重修至聖廟碑記 正書 大成門 丁寶楨立石 同治十一年四月

重修至聖廟碑記 正書 大成門 光緒二十四年

玉虹樓帖總目 帖名已載舊志茲列帖目於後

玉虹帖十六卷 亦名百一帖 玉虹鑑真帖十三卷 續鑑真帖十三卷 摹古

帖二十卷 國朝名人帖十二卷 瀛海仙班帖十卷 金人銘帖二卷 隱墨

齋帖八卷 黃涪州帖一卷 未海獄帖一卷 祝京兆帖一卷 臨中興頌帖

二卷 張文敏小楷一卷 張文敏書詩一卷

補遺

林儀字德威林放嫡裔也少時受業於內翰王致道之門歲丁酉黃軍作亂潔身北逃洪武初天下大定上徵用逸士君力疾賜歸野服芻牧舒詠遐趣衍聖公孔之全舉爲孔顏孟三氏學正歷年縣學延請主講月廩儲之悉供 至聖祀事士益高其行性至孝親墓封崇高丈餘亦古人仿墓崩之遺意疾終入棺三日復生如遊秦岱間因自紀曰遊遍三關與九間覺來方悟是人間從今天有安排處更十年中上此山卒年七十九曲阜世職知縣孔希範題其墓并爲之銘有詩集行世
林藜明天啓戊午科舉人孔聞詩屢薦不出家居教授生徒顏光猷曾題其墓
陳鏡字時甲正德間由貢生授山西臨晉縣訓導歷陞保安寧夏衛訓導洛川縣教諭歷任皆能鼓舞人才訓迪後進嘉靖中寧夏一科中試五人李議王學古黃綬薛廣倫宋文鑑悉受業于門黃綬累遷山東巡撫後黃謁闕里祭其師並表其墓撫其後嗣恩禮有加年七十五卒于官

曲阜縣志

卷八

補遺

五十七

濟南同志印刷所印

顏紹緒字振宗號砧世因兄紹統襲翰林院五經博士身故無子具題照兄終弟及之例承襲世爵順治間改授弘文院五經博士駕幸太學欽取陪祀賜衣賜宴恩賚有加紹緒念顏氏肇自黃帝至復聖顏子以後碩儒名臣偉人烈士代有作者歷代帝王恩禮之隆孔氏而外亦無過顏氏者深懼譜牒散佚支派混淆不足以表章先烈奠其繫世因本三十世祖唐魯國公眞卿序譜之遺意精慎考訂前之有闕文者增之後之未發籍者續之是爲康熙五年纂修之顏氏族譜凡十卷

孔興燮字起呂 至聖六十六代孫順治五年襲封衍聖公蚤孤生母陶氏教育之後又撫其子毓庭聖祖幸魯聞其賢御書節並松筠四字賜之興燮事母最孝十三歲襲爵凝重能自立臨事剛果有器識尤日夜以繼先人志爲念飭廟庭修禮樂俾復舊制累晉太子太保孔氏宗譜明以前多散佚孔氏子命名舊有一定輩次以序宗派辨昭穆明天啓間衍聖公衍植增定十字曰興毓傳繼廣昭憲慶繁祥並重修家譜後亦佚至興燮始纂定世家宗譜二十三卷

陳泓字魯泉明季彭家村人家貧以賣菜養親一日赴城見路旁皮搭內白金壘壘意此巨款必爲有急事者所遺失遂納諸筐中坐待之約半時果有騎馬者馳至問泓何所拾泓還叩之騎馬者曰皮搭中白金二千檢視果然盡反所遺酬以百金堅不受泓笑曰吾若貪財此金早盡爲我有矣後泓子孫漸富貴有清二百餘年登科第列仕版以及五貢諸生計百有三十餘人至今稱望族焉

陳諫字振溪邑善士卹孤憐貧不稍吝惜崇禎戊寅歲大凶人相食諫出粟全活千餘人邑中貧戶不能完納國課者悉助之縣尹贈體國樂輸匾額巡撫按臨特表贈好善樂施匾額今俱存

陳懷真字惺存性至孝居喪三年不飲酒茹葷爲歲貢生明鼎革絕意進取豪於詩酒著有四書定解五經講義續明史詞話家貧均未付梓從遊者多知名士若世職知縣孔興認大姚令孔貞瑄金華府太守族人陳見智一時稱盛焉康熙己未召試博學鴻詞旋授青城縣訓導年七十一卒於里第學使徐公廉實申上崇祀鄉賢祠

曲阜縣志

卷八

補遺

五十八

濟南同志印刷所印

諡文貞

孔毓埏字宏興與燮第二子襲翰林院五經博士工詩古文詞康熙間御書遠秀匾賜之著遠秀堂集八卷曲阜賦一卷

孔毓圻字鍾在與燮子康熙六年襲衍聖公十四年晉太子少師凡有剪奏皆見施行而錫予便蕃更不可殫述用是感激殊恩益自警惕敦率禮義倡明教學日以風俗人心爲己任夙夜敬慎不自滿假五十餘年如一日所著詩文輒焚削其稿工擘窠書兼通繪事性愛蘭所繪惟蘭最多筆墨秀勁識者珍之雍正元年卒諡曰恭愨著幸魯盛典四十卷蘭堂遺稿二卷重修世家宗譜二十四卷編正孔子家語二卷孔興鈇字紹先康熙庚戌進士選庶吉士散館授江西道監察御史掌山西道事累建大議皆報可出爲陝西潼商道督辦軍務多著功績攝布政使爬疏宿弊嚴明有方豪猾皆斂迹雅持清操不省私牘卒於官軍民爲之罷市篋中惟圖書數卷僚吏醵金治其喪乾隆三十六年公舉入祀鄉祠著塾訓一卷石倉詩選一卷西臺奏議

卷佚

東野沛然周公七十三代孫康熙二十三年上東巡沛然時爲周公奉祀生奉旨撥給祀田修葺廟宇以沛然世襲五經博士上向周公姬姓爾疏東野何故沛然對曰昔魯公伯禽季子魚賜東野田一成因以爲氏沛然常作幸魯恭紀詩盧雅雨纂山左詩鈔採入之

郭天民生平好善康熙間在尹家村施地十二大畝在善家村施地六大畝當與兩村嘗老首事約所施地畝嗣後興辦本處公益一切善事由公家代爲保存一生行善惟恐不及兩村廟中均有碑記以作紀念

陳見智字體元康熙庚戌進士授萬全令丁內艱服闋補陳留執法不撓諸生有犯法者賂於守守爲解免見智力抵之法累遷刑部江西清史司郎中出守金華府俗多溺女女子往往白首不得嫁見智嚴其禁所長育及遣嫁者不可勝計後以論事忤上官歸家居教授饘粥每不給卒年八十有五著晒園吟草二卷一線天傳奇二

曲阜縣志

卷八

補遺

五十九

濟南同志印刷所印

卷

孔衍譜字榆村別字小岸尙任長子以雍正甲午臨雍陪祀授丹陽主簿性通率畫入逸品爲湖山吟社八子之一有小岸詩一卷

孔傳鐸字振路號牖民雍正元年襲衍聖公生而恭謹和厚及遇事當斷復剛果不可奪勇於讀書工文詞尤究心濂洛關閩之學精於三禮凡祖廟中一器一物無不詳加訂正又以審樂尤難於考禮乃博求律呂之書冥摻點契至忘寢食久之始有所得恍然曰鐘律正則無不正而欲正鐘律在得其中聲而已此卽人心喜怒哀樂未發之中然求於空虛則無憑用以私智則近鑿泥於器物則失真典午而下多求之金石梁隋以後多求之柎黍至王朴則專於纍黍而不復考之金石夫金石有古今而柎黍有長短皆不可盡信惟用蔡氏更造淺深之法以理合數以數合器以器求聲而黃鐘可得大所樂可成謂中爲大本由心而生也九年引疾替爵於長孫廣榮年六十三卒著有禮記摘藻一卷三傳合纂十二卷世宗修廟盛典五十卷讀

古偶志一卷安懷堂文集二卷申椒詩集二卷繪心集二卷盟鷗草二卷古文源二卷紅萼詞二卷炊香詞二卷

孔傳鉅字振遠號松皋恭愷公毓圻第五子傳鐸公之胞弟也清正一品廕生弱不好弄動中矩矐若成人四兄痘殤母慟甚繞膝勸慰收淚乃已熊相國聞而異之許字以女雍正八年授聖廟三品執事官肅穆雍容稱其家風時清帝舉行臨雍釋奠諸大典公與衍聖公各博士一體召見賜晏頒賞服用書籍詩章不能枚舉董修幸魯盛典與諸聞人討故實談時務皆服其能事顧念兩兄早世弟出爲叔後懼子子一身傷母心不片刻離左右已而宗子病彌留託藐孤流涕許諾府事無細大無或旁撓家臣畏懼蓋有孝友之風焉著有炊經堂詩集四卷

顏懷禪字彤賓號鳧亭因兄懷禮早世無子具題代襲博士雍正八年重修聖廟工竣隨衍聖公謝恩引見於乾清宮乾隆三年駕幸太學行取陪祀二十一年幸魯陪祀累蒙賜賚書籍衣緞懷禪好學能文嘗以爲井田廢而天下無善俗宗法廢而天

曲阜縣志

卷八

補遺

六十

濟南同志印刷所印

下無世家譜牒之傳不可不講父子相代謂之世世三十年古者譜三十年小修六十年大修顏氏譜自紹緒纂訂後閱九十餘年深懼派衍日繁典型莫考乃遴宗黨之賢且才者分戶徵實開館搜輯而董其成焉歷期四載而後成書視舊譜尤稱完善竊幸宗之存與孔族相頡頏是爲乾隆二十四年重修之顏氏族譜

孔廣燦字京立號石門 至聖七十年代孫好經術嫻禮儀雍正九年襲衍聖公乾隆三年高宗臨雍應召入京上親耕藉田頌視學大禮慶成賦各一篇上嘉覽焉六年以曲阜知縣孔毓琚不職列狀上告毓琚亦許以數事上命大臣同巡撫會勘勘者微不得實有異詞詔原勿問八年卒賜恤典如故事廣燦性本亢爽英毅後更事既熟純粹謹密篤於孝友與人交不設城府尤勇從善下至臧獲輩有以讜言進者皆虛以聽受卽不當亦弗罪也年三十一而卒著敏求齋文集八卷詩集四卷外集一卷

李培字植庵乾隆辛酉科舉人專研究理學經史子集多能背誦爲文一宗簡練家

素貧友教四方從遊者如學博顏崇渠饒使顏崇棻皆知名之士著有自省堂文集刊行

陳迪宋全州同知

陳欽宋進議校尉

陳淇元初解州學正

陳渥元夏邑縣主簿

陳灝元全寧路同知

陳從政元天臨路長橋巡檢

陳宗善元濟寧路蒙古學正

陳憲元冀州同知

陳公茂明洪中官祁縣主簿

曲阜縣志

卷八

補遺

六十一

濟南同志印刷所印

闕疑

城南楊莊相傳舊名長府村僅見於張家林墓碑但村中無碑可考

曲阜縣志

卷八

闕疑

六十二

濟南同志印刷所印

正誤

禮器

姜克謹舊志周范銅器圖說誤云木鼎注是圖非誤刊蟠夔敦下第七圖乃木鼎也亞尊注是圖非誤刊册卣下第九圖乃亞尊也犧尊不誤伯彝注是圖非誤刊夔鳳豆下第六圖乃伯彝也册卣注是圖非誤刊伯彝上第三圖乃册卣也蟠夔敦注是圖非誤刊木鼎上第一圖乃蟠夔敦也寶盥不誣夔鳳豆注是圖非誤刊亞尊上第五圖乃夔鳳豆也鬶饗不誤四足鬲不誤

舊縣志載曲阜縣歷代沿革碑元至正十年立石晉撰文八分書在舊縣東門外查曲阜縣歷代沿革碑確在舊縣北門內石普撰文正書舊志於人名地點字體均有訛誤特此更正

續修曲阜縣志卷八終

曲阜縣志

卷八

正誤

六十三

濟南同志印刷所印

